


ԱՒԴԱ ՊԵՏՐՈՍՅԱՆ



ՈՍԿԵ ԼՈՐԻԿ

Հասարակած Է  
Հայաստանի  
Հանրապետության  
Լուսավորության  
նախարարություն  
կողմից

ԵՐԵՎԱՆ 1995

Արդա Պետրոսյան  
ՈՍԿԵՓՈՐԻԿ  
ԵՐ. «ՆՈՐ ԳՊՐՈՅ» 1995  
64 էջ

© «Նոր դպրոց» հրատարակչություն



ՈՍԿԵՓՈՐԻԿ

Կազմեց՝  
ԱԻԴԱ ՊԵՏՐՈՍՅԱՆԸ

«ՆՈՐ ԳՊՐՈՅ»  
հրատարակչություն  
ԵՐԵՎԱՆ 1995

Եթե դուք մանկապարտեզի ավագ խմբի դաստիարակ եք, առաջին դասարանի դասվար կամ 6-8 տարեկան երեխայի ծնող, ապա «Ոսկեփորիկը» կարող է դառնալ ձեր լավ օգնականը:

Գրքույկը դասական հեղինակների սրեղծագործությունների, առած-ասացվածքների, հանելուկների, խաղերի ու երգերի ժողովածու է:

«Ոսկեփորիկում» գերեզված նյութերի մեծագույն մասը բերանացի անելու համար է նախատեսված: Ինչպե՞ս աշխատել «Ոսկեփորիկով». այս հարցի պարասխանը կգտնեք «Գիրք ծնողների և ուսուցիչների համար» մեթոդական ուղեցույցում:

**«Նոր դպրոց» հրատարակչություն**

## ԾՈՒՂՐՈՒՂՈՒՄ...



Մշակումը Հ.Թումանյանի

### ԱՐՏՈՒՏԻԿ

Ժողովրդական

Արտուտիկ,  
Նախշուն տոտիկ,  
Իջնեն կալեր  
Գողտիկ-մողտիկ,  
Ընտրեն քարեր,  
Ուտեն կուտիկ  
Կըծըվզըւան  
Կըլթիկ-կըլթիկ:

Ա. Խնկոյան

### ՄԵՂՈՒ

Պըզզան, պըզզան,  
Պըզպըզան,  
Պստիկ մեղու տըզտըզան,  
Դաշտ ու հովիտ կշրջես,  
Բարձր սարեր կթռչես,  
Սուսան սմբուլ կծծես  
Ու ոտքերով քավամագ  
Փռշի առած՝ տուն կգաս:

ԱՔԱՂԱՂՆ ՈՒ ԿՏՈՒՐԸ

Մի արաղաղ  
Կարմրապեծիկ,  
Իր ոտները  
Երկար ու ձիգ,  
Կտրին տալով՝  
Վեր-վեր ձգվեց

Ու զարմանքով  
Ի՞նչ հարց տվեց.  
- Էս ո՞նց է որ  
Ես գոռ տալիս,  
Էս կտուրը  
Փուլ չի գալիս:

Հ. Թումանյան  
ՓԻՍՈՆ

Փիսոն, փիսոն մլավան,  
Թավրիզ բողեց, փախավ Վան,  
Լեզուն քաթխան, երկար պոչ,  
Ինչ որ ուզեց, ասին՝ ո՛չ:  
Փիսոն գնաց գողեգող,  
Փորը դատարկ, սիրտը դող,  
Դունչը մեկնեց կովկիթին,  
Շերեփն իջավ ճակատին:

Հ. Թումանյան  
ԾԻՏԻԿԻ ՕՐՈՐՔԸ

Կախված է ճյուղքից ճոճը ծիտիկի.  
Փըչի՛, հովի՛կ, փըչի՛,  
Ճոճն օրորվի, տանի բերի.  
Նանի՛. ծիտի՛կ, նանի՛:

Ծիտիկը անուշ երազ է տեսնում.  
Փըչի՛, հովի՛կ, փըչի,  
Ճոճն օրորվի, տանի բերի,  
Նանի՛, ծիտի՛կ, նանի՛:

Բայց տես, ծիտիկը բընից շըգարբնի, Կա-  
մա՛ց փըչի, կամա՛ց,  
Ճոճն էլ զգույշ տանի բերի,  
Նանի՛, ծիտի՛կ, Նանի՛:

Հ. Թումանյան  
ՇՈՒՆԸ

Հաֆ-հա՛ֆ, հաֆ-հա՛ֆ,  
Ահա այսպես  
Հաչում եմ ես.  
Հաֆ-հա՛ֆ, հաֆ-հա՛ֆ.  
Ու տունն այսպես  
Պահում եմ ես:  
Թե՛ գա մեզ մոտ  
Մի հին ծանոթ,  
Մոտն եմ վազում,  
Պոչըս շարժում:

Բայց բե մի գող,  
Չար կամեցող  
Ուզի քարուն  
Մտնի մեր տուն,  
Հա՛ֆ-հա՛ֆ, հա՛ֆ-հա՛ֆ,  
Ահա այսպես  
Հաչում եմ ես,  
Հա՛ֆ-հա՛ֆ, հա՛ֆ-հա՛ֆ,  
Ու տունն այսպես  
Պահում եմ ես:

Հ. Թումանյան  
ԱՂՎԵՍՆ ԵԿԱՎ

Աղվեսն եկավ լանճիկ, լանճիկ,  
Ոտներ ուներ կարճիկ, կարճիկ,  
Շատ կու սիրեր հավի քարճիկ,  
Վու՛յ, վու՛յ:

Աղվես պառկեց արտի տակին,  
Աչքը ձգեց չաղ հավ ձագին,  
Նետով կը տամ աչքի տակին,  
Որ մոտ չգա նա մեր բակին,  
Վու՛յ, վու՛յ:

Հ. Թումանյան  
ՓԻՍԻԿԻ ԳԱՆԳԱՏԸ

Փիսիկը նստել  
Մի մութ անկյունում,  
Ունքերը կիտել  
Ու լաց է լինում:  
Մոտիկ է գալիս  
Մի ուրիշ կատու.  
Ինչո՞ւ ես լալիս,  
Ա՛յ փիսոջան, դու...  
- Հապա ի՞նչ անեմ,  
Որ լաց չըլինեմ,  
Գանգատ է անում  
Փիսուն տղիքադեմ:  
Էն Համոն բաբուն  
Մածունը կերավ,  
Գնաց տատի մոտ  
Ինձ վըրա դրավ:  
Հիմի տատիկի  
Ետեից ընկած,  
Ինձ են ման գալի  
Մի-մի փետ առած  
Էն քոթոթ Սուրենն,  
Անոն ու Մոսոն:  
Ո՞ւր է, ասում են,  
Ու՞ր է գող Փիսուն,  
Ա՛խ, թե մի գրտա՛նք,  
Մածուն ցույց կըտանք...  
Էսպես բան սարքեց  
Էն Համոն իմ դեմ.  
Ի՞նչ անեմ հապա,  
Որ լաց չըլինեմ...  
Ու Փիսուն նըստել  
Մի մութ անկյունում,  
Ունքերը կիտել  
Ու լաց է լինում:

Մանկական խաղ Դ. Աղայան  
ԾԻՏԸ ԵՎ ԲԱԶԵՆ

Ծիտը ծառին ծլվում է.  
- Ծի՛վ, ծի՛վ, ծի՛վ.  
Բազեն գլխին պտըտվում է.  
- Վու՛յ, վու՛յ, վու՛յ...  
Ծիտը լոեց, ծիտը վախեց.  
- Վա՛յ, վա՛յ, վա՛յ...  
Բազե՛, թը՛ռռ, բազե՛, թը՛ռռ.  
- Հա՛յ, հա՛յ, հա՛յ...  
Բազեն թռավ,  
Բազեն փախավ,  
Ի՛նչ լավ էլավ...  
- Հե՛- հե՛- հե՛...  
Ծիտի՛կ-միտի՛կ, պիծի՛կ-միծի՛կ,  
Պրտպրտուրի՛կ, չըլպըլտուրի՛կ,  
Դու լա՛վ պրծար չար բազեի  
Սուր ճանկերից, հա՛-հա՛-հա՛...

Հ. Թումանյան  
ԼՈՒՍԱԲԱՅԻՆ

- Ծուղրուղո՛ւ.  
Աքլորը գիլ կանչեց քառին.  
- ճի՛կ-ճի՛կ, ճի՛կ-ճի՛կ,  
Զարթնեց մթնում ծիտը ծառին:  
  
- Ծուղրուղո՛ւ.  
Խոսեց ծեզին երկրորդ բերան.  
- Հո-հո՛, հո-հո՛,  
Նախիրն արդեն հանդը տարան:  
  
- Ծուղրուղո՛ւ.  
Լույսը բացվեց երրորդ կանչին,  
- Վու՛յ, վու՛յ, վու՛յ, վու՛յ,  
Նստեց նանը տեղի միջին:

**Ղ. Աղայան**  
**ԱՌԱՎՈՏԸ ԳՅՈՒՂՈՒՄ**

Արեգակը դուրս է եկել  
Պսպրդալով.  
Շողքը երդից ներս է ընկել  
Շողշողալով.  
Ծիտը ծառին կըչկըչում է  
Ծըլվըլալով.  
Չորումն առուն քըչքըչում է  
Վըշվըշալով.  
Ծույլ տղայի քունն է տարել  
Խորմփալով.  
Տրեխները շունն է տարել  
Մըմըռալով:

**Ա. Խնկոյան**  
**ՊՈՉԱՏ ԱՂՎԵՍԸ**

Փախավ աղվեսը,  
Փախավ թակարդից,  
Բայց պոչի կեսը  
Թողեց նա ներսը:  
Այդպես պոչատ,  
Պոչից անջատ,  
Գնաց ասավ ընկերներին.  
- Ա՛յ ձեզ մատաղ, ես ձեր գերին,  
Դե՛ն գցեցեք ձեր պոչերը.  
Ինչո՞ւ են պետք այդ փրչերը:  
Իրանք զարդ չեն ու զարդարանք,  
Այլ մեր գլխին պատիժ, փորձանք,  
Գետնի ավել,  
Վազքի խափան,  
Մեզ անվայել  
Ավելորդ բան:

Այդտեղ մի ձեր վարպետ աղվես  
Ասավ նրան. «Ապրե՛ս, ապրե՛ս,  
Ա՛յ ծակամուտ բոռիս բոռը,  
Էդքան չեն տա խելքի գոռը,  
Բա քանի որ տեղն էր պոչդ,  
Ինչո՞ւ չարիր դու այդ կոչդ»:

**Հ. Թումանյան**  
**ԳՐԻՉ**

Ի՞նչ կըլինի, ասա՛, գրի՛չ,  
Ինձ էլ սիրես գոնե մի քիչ:  
Ինչո՞ւ իմ մեծ քրոջ ձեռքին  
Գրում ես միշտ վարժ ու կարգին,  
Իսկ իմ ձեռքին խազմըզում ես  
Սեւ ագռավի ճանկերի պես:  
Ես քեզ վատ բան ի՞նչ եմ արել:  
Ե՛կ, խնդրում եմ՝ ինձ համար էլ  
Գրի էնպես արագ-արագ,  
Էնպես ուղիղ, սիրուն, բարակ:  
Գրիչը լուռ լըսում, լըսում,  
Ճըռճըռում է ու խազմըզում,  
Բայց այս անգամ արդեն, կարծես,  
Փոքրիկ ծըտի ճանկերի պես:

**Հ. Թումանյան**  
**ԱՌԱՋԻՆ ՉՅՈՒՆԸ**

- Վա՛յ, մայրի՛կ ջան, տե՛ս,  
Բակն ու դուռը լի  
Ինչքա՛ն սպիտակ  
Թիթեռ է գալի...  
Էսքան շատ թիթեռ  
Չեմ տեսել ես դեռ:  
- Չէ՛, իմ անուշիկ,  
Թիթեռներ չեն էտ,  
Թիթեռներն անցան  
Ծաղիկների հետ:  
Էտ ձյունն է գալիս,  
Փաթիլն է ձյունի,  
Որ կարծես սպիտակ  
Թիթեռնիկ լինի:

ՊԱՊՆ ՈՒ ՇԱՂԳԱՄԸ

Դռան առաջ  
Մի անգամ  
Պապը ցանեց  
Մի շաղգամ:

Շաղգամն անեց,  
Մեծացավ.  
Պապը տեսավ՝  
Չարմացավ:

Պապը քաշեց  
Քաշքշեց,  
Շաղգամն հողից  
Չհանեց:

Պապը կանչեց  
Տատիկին.  
Տատը՝ պապից,  
Պապը՝ շաղգամից,  
Հա քաշեցին,  
Քաշքշեցին,  
Շաղգամն հողից  
Չհանեցին:

Տատը կանչեց  
Թոռնիկին.  
Թոռը՝ տատից,  
Տատը՝ պապից,  
Պապը՝ շաղգամից,  
Հա քաշեցին,  
Քաշքշեցին,  
Շաղգամն հողից  
Չհանեցին:

Թոռը կանչեց  
Շնիկին.

Շունը՝ թոռից,  
Թոռը՝ տատից,  
Տատը՝ պապից,  
Պապը՝ շաղգամից,  
Հա քաշեցին,  
Քաշքշեցին.  
Շաղգամն հողից  
Չհանեցին:

Շունը կանչեց  
Փխոյին.  
Փխոն՝ շնից,  
Շունը՝ թոռից,  
Թոռը՝ տատից,  
Տատը՝ պապից,  
Պապը՝ շաղգամից,  
Հա քաշեցին,  
Քաշքշեցին,  
Շաղգամն հողից  
Չհանեցին:

Փխոն կանչեց  
Մրկնիկին.  
Մուկը՝ փխոյից,  
Փխոն՝ շնից,  
Շունը՝ թոռից,  
Թոռը՝ տատից,  
Տատը՝ պապից,  
Պապը՝ շաղգամից,  
Հա քաշեցին,  
Քաշքշեցին,  
Շաղգամն հողից  
Հանեցին:

ԲՉԵՉԻ ԴՊՐՈՅԸ

Վարպետ Բըզեզն ամռան մի օր  
Դըպրոց բացեց մեծ ծառի տակ  
Ու հավաքեց քիթեռ, ճանճ, բոռ,  
Մըժեղ, մըրջյուն, մըլակ, մոծակ...

- Գիտե՞ք, ասավ, իմ փոքրիկներ,  
Պիտի սովրեք, սովրեք անվերջ,  
Որ իմանաք ինչ է ձեզ պետք,  
Ինչ կա ձեր շուրջն ու կյանքի մեջ:

Պիտի սովրեք, սովրեք ենքան,  
Մինչեւ դառնաք ինձ պես վարպետ:  
Դե նըստեցեք հիմի հանդարտ,  
Ինչ որ կասեմ՝ կըրկներ ինձ հետ:

Ա. Անթառամ, Բ. Բարձմենակ,  
Գ. Գաղտիկուռ, Դ. Դըղում...  
Է՛յ, դու մորե՛խ, դեսն ականջ դիր,  
Ի՞նչ ես եղտեղ կըրորտում:

Ե. Երիցուկ, Չ. Չանազան,  
Է. Էշխըրտուկ, Ը. Ընկույզ...  
Մի՛ աղմըկեք, հանաք հո չի՞.  
Թիթե՛ն, հանգիս՛տ, մոծակ, սո՛ւ:

Մի խառնըվեք, չեմ սիրում ես  
Էղպես աղմուկ, աղաղակ:  
Թ. Թըրթընջուկ, Ժ. Ժախ ու բոխ,  
Ի. Իշառվույտ, Լ. Լեղակ:

Խ. Խընձորուկ, Ծ. Ծիրան,  
Կ. Կըղոթուկ, Հ. Հաղարջ...  
- Տե՛ս, վարժապետ, էս մըլակին.  
Ինձ ասում է՝ սարի արջ:

- Ա՛յ տղա, է՛յ, չեն հայհոյիլ:  
Տըզզան հիմար անասուն...  
Չ. Չըմերուկ, Ղ. Ղանձլամեր,  
Ճ. Ճարճատուկ, Մ. Մասուր:

Դու, է՛յ ծըրրիդ, ո՞նց ես նըստել,  
Գըլուխդ՝ ետ, մեջքըդ՝ դուրս:  
Յ. Յունապի, Ն. Նունուֆար,  
Շ. Շագանակ, Ո. Ողկույզ:

Վա՛յ, ես ինչե՛ր կան դասերում.  
Ողկույզը ես շատ եմ սիրում: -  
Իսկ ես կաղամբ կուտե՛մ, կուտե՛մ...  
- Իսկ ես՝ ծիրան... Իսկ ես՝ կոտեմ...

Չեզ չեն հարցնում՝ ի՛նչ կուտեք դուք  
Զընաքաթախ՝ առտեհան:  
Չ. Չինարի, Պ. Պատատուկ  
Ջ. Ջըրկոտեմ, Ռ. Ռեհան:

Ս. Սերկեիլ, Վ. Վարդենի,  
Տ. Տերեփուկ, Յ. Յաթի...  
Ո՛ւհ, մարդ քարից պիտի լինի,  
Չեր մեջ գըլուխ կըճաթի:

Փ. Փըրփըրուկ, Զ. Զարասոխ,  
Օ. Օֆ, պըրժանք վերջապես...  
Դե գնացեք, վաղը կգաք  
Անգիր արած ջըրի պես: -

Ու հավաքած քիթեռ, ճանճ, բոռ,  
Մըժեղ, մըրջյուն, մըլակ, մոժակ,  
Վարպետ Բըզեզն ամառն էսպես  
Դաս էր տալիս մի ծառի տակ:

### Դ Դեմիրճյան

## ՊՈՒՅՊՈՒՅ ՄՈՒԿԻԿԸ

Մի երկիր կա՝ Հնդստան,  
Մի մուկիկ կար՝ ճատճստան,  
Հնդստանի անտառում,  
Կոկոս ծառի ծակուռում:

Ապրում էր նա իր համար,  
Բարիքներում անհամար  
Ու մի օր լավ, մի օր վատ՝  
Ունե՛ր ապրուստ քիչ թե շատ:

Օրը մի ճանճ, մի միջատ,  
Մի ծեղ, արմատ, ցորենի հատ  
Ուտում էր ու քեֆ անում,  
Խաղում, ապրում իր բնում:

Իր անունը Պույպույ էր,  
Ազգանունը՝ Ճատունի:  
Լացը՝ վա՛յ-վա՛յ, վո՛ւյ-վո՛ւյ էր,  
Երգը՝ տարայ-նա՛յ-նի՛ նի՛:

Էսպես մուկիկն ապրում էր,  
Վազվզելով վար ու վեր  
Ու մի օր էլ ծանր ու մեծ  
Իրեն-իրեն միտք արտեց.

«Տունս կոկոս ծառի տակ,  
Բերան չունե՛մ, թե՞ ճաշակ.  
Ճանճ կերել եմ, ծեղ կերել,  
Տեսնեմ կոկոսի համն էլ»:

Այս ասելն էր, մեկ էլ, դո՛ մփ,  
Ծառից կոկոսն ինչպես բոմբ  
Ընկավ նրա առաջին:  
- Կոկո՛ս, կաղին չէ չնչին:

Կաղնի տեսակ, սեխի չափ,  
Միջուկն անու՛շ, յուղալի՛,  
Բայց կեղեւն է միայն հաստ,  
Ահա ինչն է ցավալի...

Վրա ընկավ մուկիկը,  
Բացեց իր սուր ճանկերը,  
Կծեց, կծեց, կծոտեց,  
Բան դուրս չեկավ, չհաջողվեց:

Ու կոկոսի չորս կողմը  
Ման է գալիս Պույպույը:  
Կեղեւն հաստ է, ո՞նց անի,  
Ու սկսեց վույ-վույը:

«Ախր ի՞նչ է, ի՞նչ կըլի,  
Տեսնեմ դրա համն էլի՛:  
Մի քիչ կոկոս, մի քիչ ջուր,  
Գոնե մի կում, մի պուճուր»:

Դու մի ասի՛ ընկնելուց  
Ծակ էր բացվել կոկոսում,  
Էդ որ տեսավ, հիմի էլ  
Ծակից մտնել էր ուզում:

Բայց տեսեք ինչ պատահեց.  
Ծակն էր պստիկ, ինքը՝ մեծ:  
Ծակից ներս չի մտնում,  
Սովից էլ ուշքն է գնում:

Լաց է լինում մուկիկը...  
Ո՞նց լաց չըլնի մուկիկը...  
Միրտն ուրիշ բան չի ուզում,  
Նայում է ու նվազում:

Էսպես լացեց, սուգ արեց,  
Էնքան լացեց, սուգ արեց,  
Հետն էլ սովից լղարեց:

Ու լղարեց, բարակեց,  
Մեկ էլ, ըիը՛, ճանճի պես  
Ծակից մտավ, գնաց ներս:

Էս ի՞նչ էր, տո՛, ո՞նց եղավ,  
Էս ծակից ո՞նց ներս մտավ,  
Ո՞նց, ա՛յ, նայի՛ր, էս՝ մուկը.  
Էս՝ կոկոսն ու միջուկը:

Դե, քեֆ արա, օխա՛յ-օխա՛յ,  
Դե, պար արի, տարա՛յ-նանա՛,  
Դե, միջուկը կե՛ր ու կրծի՛ր,  
Կե՛ր միջուկը, հյութը խմի՛ր:

Հա՛մ ուտում է, հա՛մ էլ պարում,  
Հա՛մ պարում է, հա՛մ էլ երգում.  
«Ինքս Պույպույ, պարս՝ տույտույ,  
Էլ ի՞նչ վայ-վայ, էլ ի՞նչ վույ-վույ»:

Էսպես թռչում, ծափ էր տալիս,  
Պար էր գալիս, ռանգի, յայլի,  
Գոռում էր, ջա՛ն, տարայ-նի-նի,  
Ա՛յ թե քե՛ֆը ինչպես կըլնի:

Էս որ էսպես կերավ, մաքրեց,  
Առաջ փոքր էր, հիմա տոզեց,  
Տոզեց, դարձավ խոշոր մի մոկ,  
Ընկավ կողքին, քնեց խորունկ:

Մեկ օր անցավ, եկավ նոր օր,  
Է՛հ, մուկիկը վեր կացավ, որ  
Փուչ կոկոսի ծակից դուրս գա,  
Ախր դուրսը գործ կա, տուն կա:

«Լավ էր, կերանք բավակահին,  
Հիմա գնանք մենք մեր բանին»:  
Հեշտ էր ասել... Ապա՞ փորձիր  
Մի կոկոսի ծակից անցիր:

Մոտեցավ, որ ծակից դուրս գա,  
Պահո՛... Տեսավ ճամփա չկա,  
Ինքը խոշոր, ծակը պուճուր...  
Այդ է՛ մնաց, բայց մնա ո՛ր...

Լաց է լինում մուկիկը:  
Ո՞նց լաց չըլնի մուկիկը:  
Տոզել է կոկոսում,  
Մնացել է նեղ փոսում:

Ախր ի՞նչ բան ունեիր,  
Գայիր կոկոս ուտեիր,  
Չոռ ուտեիր՝ լավ չէ՞ր, հը՞,  
Ցավ ուտեիր, լավ չէ՞ր, հը՞...  
Վա՛յ, վա՛յ, վա՛յ, վա՛յ, տո գահրումա՛ր,  
Դե լաց, մնա քեզ համար»:

Էսպես լացեց մուկիկը.  
Էնքան լացեց մուկիկը,

Հետն էլ սովից լղարեց:  
Որ լղարեց, բարակեց,  
Մեկ էլ, ըհը՛, սուս ու փուս  
Ծակից նորից ելավ դուրս:

Վա՛հ, էս ինչ էր, էս ո՞նց եղավ,  
Բա էս ծակից ո՞նց դուրս եկավ,  
Ո՞նց... ա՛յ, նայի՛ր, էս ես՝ մուկը,  
Էն՝ կոկոսը, էն՝ միջուկը:

Տեսա՞ր լավ բան, կեցցե՛ս Պույպույ,  
Տո՛, էլ ի՞նչ «վայ», էլ ի՞նչ «վույ-վույ»,  
Դե, քե՛ֆ արա, օխա՛յ-օխա՛յ,  
Դե, պա՛ր արի, տարա՛յ-նի-նայ...

Հա՛մ թռչում է. հա՛մ պարում է,  
Հա՛մ երգում է, հա՛մ կանչում է,  
- Չա՛ն, քե՛ֆ արա, տարայ-նի-նի՛  
Ա՛յ թե քե՛ֆը ինչպես կըլնի:



# ԼԻՆՈՒՄ Է ՉԻ ԼԻՆՈՒՄ

Հ. Թումանյան

## ՃԱՄՓՈՐԴՆԵՐ

Աքլորը մի օր կտուրը բարձրացավ, որ աշխարհք տեսնի: Վիզը ձգեց, երկարացրեց, բայց բան չտեսավ, դիմացի սարը խանգարում էր:

- Բուչի՛ ախպեր, կարելի է դու գիտենաս, թե սարի ետերը ի՞նչ կա, - հարցրեց վերետում պառկած շանը:
- Ես էլ չգիտեմ, - պատասխանեց քուչին:
- Հապա մինչեւ ե՞րբ պիտի այսպես մնանք, արի՛ գնանք տեսնենք՝ աշխարհումս ինչ կա, ինչ չկա:

Շունն էլ համաձայնեց: Խոսքը մին արին ու փախան: Գնացին, գնացին, իրիկունը հասան մի անտառ: Գիշերը մնացին էնտեղ: Շունը պառկեց մի թփի տակ, իսկ արևորը բարձրացավ մոտիկ ծառին, քնեցին: Լուսադեմին արևորը կանչեց՝ ծուղորուղո՛ւ: Մի աղվես լսեց արևորի ձայնը:

- Վա՛հ, սա որտեղի՞ց դուրս եկավ, ա՛յ լավ նախաճաշիկ, - մտածեց աղվեսն ու վազեց:
- Բարի՛ լույս, սանահեր արևոր: Ի՞նչ ես շինում ես կողմերը:
- Գնում ենք աշխարհ տեսնելու, - պատասխանեց արևորը:
- Օ՛, ինչ լավ բան եք մտածել, - խոսեց աղվեսը: Բանի ծամանակ է ես էլ մի կարգին ընկերի եմ ման գալի: Ինչ լավ էր՝ պատահեցինք: Դե՛, ցած արի, որ չուշանանք:
- Ես համաձայն եմ, - ասավ արևորը, - տես թե ընկերս էլ համաձայն է, ցած գամ՝ գնանք:
- Որտե՞ղ է ընկերդ: - Էն թփի տակին: «Սրա ընկերն էլ երեւի իր նման մի արևոր կլինի, էս էլ իմ ճաշը»: - մտածեց աղվեսը ու վազեց թփի կողմը: Հանկարծ, որ շունը դուրս եկավ, աղվեսը, պո՛ւկ, փախավ, ո՛նց փախավ:
- Կա՛ց, աղվես ախպեր, մի՛ վռագի, մենք էլ ենք գալի, եղպես ընկեր չի լինի, - ծառի գլխից ձայն էր տալիս արևորը:

Հ. Թումանյան

## ՈՒԼԻԿ

Խոր անտառում մի այծ է լինում:

Ունենում է մի գեղեցիկ ուլ: Ուլին ամեն օր բողնում է տանը, ինքը գնում է արոտ անելու: Արածում է ու իրիկունը կուրծքը լիքը տուն է գալի: Տուն է գալի, դուռը զարկում ու մկկում, էսպես կանչում.

Սեուկ ուլիկ,  
Սիրուն բալիկ,  
Ման եմ եկել սարե սար,  
Կաթն եմ բերել քեզ համար,  
Դռնակը բաց ներս գամ ես,  
Անուշ-անուշ ծիծ տամ քեզ:  
Սեուկ ուլիկ, Սիրուն բալիկ:

Ուլիկն իսկույն վեր է թռչում, դուռը բաց անում: Մայրը ծիծ է տալի նրան ու կրկին գնում արոտ: Էս բոլորը թաքուն տեսնում է գայլը: Մի իրիկուն այծից առաջ գալիս է, դուռը զարկում ու իր հաստ ձայնով կանչում.

Սեուկ ուլիկ,  
Սիրուն բալիկ,  
Ման եմ եկել սարե սար,  
Կաթն եմ բերել քեզ համար,  
Դռնակը բաց ներս գամ ես,  
Անուշ-անուշ ծիծ տամ քեզ:  
Սեուկ ուլիկ, Սիրուն բալիկ:

Ուլիկը լսում է, լսում ու պատասխանում. «Էդ ո՞վ ես դու, չեմ ճանաչում: Նա քաղցր ու բարակ ձայն ունի: Բու ձայնը կոշտ է ու կոպիտ: Դուռը բաց չե՛մ անի... Գնա՛... Չեմ ուզում քեզ...»: Ու գայլը հեռանում է, գնում: Գալիս է մայրը, դուռը ծեծում.

Սեուկ ուլիկ,  
Սիրուն բալիկ,  
Ման եմ եկել սարե սար,  
Կաթն եմ բերել քեզ համար,  
Դռնակը բաց ներս գամ ես,  
Անուշ-անուշ ծիծ տամ քեզ:  
Սեուկ ուլիկ, Սիրուն բալիկ:

Ուլիկը դուռը բաց է անում, ծիծ է ուտում ու մորը պատմում: -  
Գիտե՞ս, մայրի՛կ, ինչ եղավ: Մի քիչ առաջ մի՞նը եկավ, դուռը  
զարկեց ու կանչում էր.

Սեուկ ուլիկ,

Սիրուն բալիկ:

Ասում էր դուռը բաց արա: Էնպե՛ս հաստ ձայն ունե՛ր: Էն-  
պե՛ս վախեցա՛, էնպե՛ս վախեցա՛... Դուռը բաց չարի, ասի՛ չեմ  
ուզում, գնա՛...

- Պա՛, պա՛, պա՛, պա՛: Սեուկ ջան, ինչ լավ է եղել, որ բաց չես  
արել. - ասավ վախեցած մայրը: - Էդ գայլն է եղել, եկել է, որ քեզ  
ուտի: Մյուս անգամ էլ որ գա, բաց չանես. ասա՛ գնա՛, թե չէ իմ  
մայրը քեզ կսպանի իր սուր պոզերով:

#### Հ. Թումանյան

### ԱՆՀԱՂԹ ԱՔԼՈՐԸ

Լինում է, չի լինում՝ մի արևը է լինում:

Էս արևըրը քուջուջ անելիս ոսկի է գտնում:

Կտուրն է բարձրանում, ձեն է տալի.

- Ծուղրուղո՛ւ, փող եմ գտե՛լ...

Թագավորը լսում է, իր նազիր-վեզիրներին հրամայում է՝  
գնան խլեն բերեն:

Նազիր-վեզիրը գնում են՝ խլում բերում:

Արևըրը կանչում է.

- Ծուղրուղո՛ւ, թագավորն ինձանով ապրե՛ց...

Թագավորը ոսկին ետ է տալիս իր նազիր-վեզիրին, ասում է.

- Ետ տարեք իրեն տվեք, թե չէ աշխարհքովը մին կխայտա-  
ռակի մեզ էդ անպիտանը...

Նազիր-վեզիրը ոսկին տանում են ետ տալիս արևըրին:

Արևըրն էլ կտուրն է բարձրանում.

- Ծուղրուղո՛ւ, թագավորն ինձանից վախե՛ց...

Թագավորը բարկանում է, իր նազիր-վեզիրին հրամայում է.

- Գնացե՛ք, - ասում է, - բռնեցեք էդ սրիկային, գլուխը կտրե-  
ցեք, եփեցեք, բերեք ուտեմ, պրծնեմ դրանից:

Նազիր-վեզիրը գնում են արևըրին բռնում, որ տանեն: Տանե-  
լիս կանչում է.

- Ծուղրուղո՛ւ, թագավորն ինձ հյուր է կանչե՛լ...  
Տանում են մորթում, պղինձն են կոխում, որ եփեն, ձեն է տա-  
լի.

- Ծուղրուղո՛ւ, թագավորն ինձ տաք-տաք, բաղնիք է դրկե՛լ...  
Եփում են բերում թագավորի առաջն են դնում, կանչում է.

- Թագավորի հետ սեղան եմ նստե՛լ, ծուղրուղո՛ւ...

Թագավորը շտապով վերցնում է կուլ տալի: Կոկորդով գնա-  
լիս կանչում է.

- Նեղ-նեղ փողոցներով անց եմ կենում, ծուղրուղո՛ւ...

Թագավորը որ տեսնում է՝ կուլ տվեց, էլ չի ձենը կտրում, իր  
նազիր-վեզիրին հրամայում է թուրները հանած պատրաստ կե-  
նան, որ մին էլ ձեն ածի՝ զարկեն:

Նազիր-վեզիրը թրերը հանած՝ պատրաստ կանգնում են՝ մինը  
էս կողմը, մյուսը՝ էն:

Արևըրը որ թագավորի փորն է հասնում, ձեն է տալի.

- Լույս աշխարհքումն էի, մութ տեղն եմ ընկել, ծուղրուղո՛ւ...

- Չարկեցե՛ք, - հրամայում է թագավորը:

Նազիր-վեզիրը զարկում են, տալիս են թագավորի փորը  
պատռում:

Արևըրը դուրս է պրծնում, փախչում է, կտեր ծերին կանգնում  
ձեն տալի.

- Ծուղրուղո՛ւ...

#### Թարգմանությունը՝ Մ. Խերանյանի

### ՈՎ ԱՇԽԱՏԻ, ՆԱ ԿՈՒՏԻ

Ռուսական ժողովրդական հեքիաթ

Մի խրճիթում ապրում էին մուկիկը, ծիտիկը եւ հավիկը:  
Մի օր քջուջ անելիս հավիկը մի հատիկ գտավ ու կանչեց.  
- Հատիկ եմ գտե՛լ, հատիկ եմ գտել: Ո՞վ կտանի աղալու:  
- Ես՝ չէ, - ասաց մուկիկը:  
- Ես էլ՝ չէ, - ասաց ծիտիկը:  
Ի՞նչ անեք հավիկը: Հատիկը ջրաղաց տարավ, աղաց:  
- Այլուրն ո՞վ տուն կտանի, - հարցրեց հավիկը:  
- Ես՝ չէ, - ասաց ծիտիկը:  
- Ես էլ՝ չէ, - ասաց մուկիկը:

Հավիկը այլուրը շալակեց, տուն տարավ:  
Ո՞վ խմոր կանի, - հարցրեց հավիկը:

- Ես՝ չէ, - ասաց մուկիկը:  
- Ես էլ՝ չէ, - ասաց ծիտիկը:

Հավիկը խմոր հունցեց:  
- Թոնիքը ո՞վ կվառի, - հարցրեց հավիկը:

Ես՝ չէ, - ասաց ծիտիկը:  
Ես էլ՝ չէ, - ասաց մուկիկը:

Հավիկը բոնիքը վառեց:  
- Հացն ո՞վ կթխի, - հարցրեց հավիկը:

- Ես՝ չէ, - ասաց մուկիկը:  
- Ես էլ՝ չէ, - ասաց ծիտիկը:

Հավիկը հացը թխեց, դրեց սեղանին:  
- Հացն ո՞վ կուտի, - հարցրեց հավիկը:

- Ե՛ս, - գոչեց ծիտիկը եւ մոտեցավ սեղանին:  
- Ե՛ս, - գոչեց մուկիկը եւ մոտեցավ սեղանին:

- Հավիկը նրանց սեղանից հեռացրեց ու ինքը մենակ կերավ  
հացը:

### Հ. Թումանյան ՍՈՒՏԱՍԱՆԸ

Լինում է, չի լինում մի թագավոր: Էս թագավորը իր երկրումը  
հայտնում է.

«Ով էնպես սուտ ասի, որ ես ասեմ՝ սուտ է, իմ թագավորու-  
թյան կեսը կտամ նրան»:

Գալիս է մի հովիվ: Ասում է.

- Թագավորն ապրած կենա, իմ հերը մի դագանակ ունեք, որ  
էստեղից մեկնում էր, երկնքում աստղերը խառնում:

- Կպատահի՛, - պատասխանում է թագավորը: - Իմ պապն էլ  
մի չիբուխ ունեք. մի ծերը բերանին էր դնում, մյուս ծերը մեկ-  
նում, արեգակից վառում:

Ստախոսը գլուխը քորելով դուրս է գնում:

Գալիս է մի դերձակ: Ասում է.

- Ներողություն, թագավոր, ես վաղ պիտի գայի, ուշացա: Ե-  
րեկ շատ անձրեւ եկավ, կայծակները տրաքեցին, երկինքը  
պատռվեց, գնացել էի կարկատելու:

- Հա՛, լավ ես արել, - ասում է թագավորը, - բայց լավ չէիր  
կարկատել, ես առավոտ մի քիչ անձրեւի թափվեց:

Սա էլ է դուրս գնում:

Ներս է մտնում մի աղքատ գյուղացի, կոտը կոնատակին:

- Դո՞ւ ինչ ես ուզում, ա՛յ մարդ, - հարցնում է թագավորը:

- Ինձ մի կոտ ոսկի ես պարտ, եկել եմ տանեմ:

- Մի կոտ ոսկի՞, - զարմանում է թագավորը: - Սո՛ւտ ես ասում,  
ես քեզ ոսկի չեմ պարտ:

- Թե որ սուտ եմ ասում, թագավորությամդ կեսը տուր:

- Չէ՛, չէ՛, ճշմարիտ ես ասում, - խոսքը փոխում է թագավորը:

- Ճշմարիտ եմ ասում՝ մի կոտ ոսկին տուր:

### Փոխադրությունը Հ. Թումանյանի ԵՐԵՔ ԱՐՁԻ ՀԵՔԻԱԹԸ

Ռուսական ժողովրդական հեքիաթ

Մի աղջիկ է լինում: Մի անգամ ես աղջիկը անտառ է գնում:  
Անտառում մոլորվում է, ճամփա չի գտնում, գալիս է դեմ առնում  
մի տնակի:

Դուռը բաց է լինում: Նայում է, տեսնում տանը ոչ ոք չկա:

Ներս է մտնում: Դու մի՛ ասա՛ ես տնակում երեք արջ են ապ-  
րում՝ հայրը, մայրը եւ իրենց քոթոթը: Էդ ժամանակ գնացած են  
լինում անտառ՝ ման գալու: Տնակը ունենում է երկու սենյակ՝ մի-  
նը սեղանատուն, մյուսը՝ ննջարան:

Էս աղջիկը սեղանատուն է մտնում, տեսնում սեղանի վրա  
դրած երեք աման ապուր: Առաջինը՝ հոր ամանը, մեծ է լինում,  
երկրորդը՝ մոր ամանը, միջակ, երրորդը՝ քոթոթի ամանը, փոք-  
րիկ: Ամեն մի ամանի մոտ էլ մի-մի գդալ է լինում՝ մեծ, միջակ ու  
փոքր:

Աղջիկը վերցնում է մեծ գդալը, ուտում մեծ ամանից, անհամ  
է լինում:

Հետո վերցնում է միջակ գդալը, ուտում միջակ ամանից, դուր  
չի գալի:

Հետո վերցնում է փոքր գդալը, ուտում փոքր ամանից: Տես-  
նում է՝ փոքր ամանի ապուրը համով է:

Ուզում է նստել՝ տեսնում է երեք արթո՝ մեկը մեծ, մյուսը՝ միջակ, երրորդը՝ փոքր: Բարձրանում է մեծ արթոին՝ ընկնում է: Նստում է միջակ արթոին՝ անհարմար է: Նստում է փոքր արթոին, քեֆը գալիս է, էնքան լավն է լինում: Վերցնում է փոքր ամանը, դնում ծնկներին ու սկսում փոքր գդալով ուտել:

Ուտում է կշտանում ու սկսում արթոով օրորվել: Արթոը կտորվում է, աղջիկը վեր է ընկնում:

Վեր է կենում, արթոը բարձրացնում ու մտնում մյուս սենյակ: Մյուս սենյակում երեք մահճակալ է լինում՝ մեկը՝ մեծ, մյուսը՝ միջակ, երրորդը՝ փոքր:

Պառկում է մեծ մահճակալի վրա, տեսնում է շատ է լայն: Միջակի վրա է պառկում՝ տեսնում է՝ շատ է բարձր: Փոքրի վրա պառկում, տեսնում է՝ հենց իրենն է որ կա, ու քնում է:

Արջերը քաղցած գալիս են, որ ճաշեն: Հայրը մոտենում է իր ամանին, մտիկ անում ու զարհուրելի գոռում.

- Էս ո՞վ է կերել իմ ամանից:

Մայրը մտիկ է անում իր ամանին ու փնթփնթում.

- Էս ո՞վ է կերել իմ ապուրը:

Հայրը նայում է իր արթոին ու գոռում.

- Էս ո՞վ է նստել իմ արթոին ու տեղից շարժել:

Մերն է նայում իր արթոին ու փնթփնթում.

- Էս ո՞վ է նստել իմ արթոին ու տեղից շարժել:

Քոթոթն է նայում իր կտորած արթոին ու գոմռում.

- Էս ո՞վ է նստել իմ արթոին ու կտորել: Մտնում են մյուս սենյակը:

Հայրը նայում է իր մահճակալին ու գոռում.

- Էս ո՞վ է պառկել իմ անկողնուն ու տրորել:

Մայրը նայում է իր մահճակալին ու փնթփնթում.

- Էս ո՞վ է պառկել իմ անկողնու վրա ու տրորել:

Քոթոթն է նայում իր անկողնուն ու գոմռում.

- Էս ո՞վ է պառկել իմ անկողնուն:

Հանկարծ աղջկան նկատում է ու էնպես ճղղում, կարծես մորթում էին իրեն:

- Էս ո՞վ է... գտել եմ... հրե՛ս բռնեցե՛ք... վա՛յ... վա՛յ... բռնեցե՛ք:

Եվ ուզում է աղջկան կծել: Աղջիկը վախից վեր է թռչում, աչքերը բաց անում, տեսնում՝ պառկած է իրենց տանը, իր ննջարանում: Ու էս բոլորը երազ է:

## Հ.Թումանյան ՊՈՉԱՏ ԱՂՎԵՍԸ

Լինում է, չի լինում մի պառավ: Էս պառավն իր էծը կթում է, կաթը վեր է դնում, գնում է ցախ ու փետ բերի, որ կրակ անի, կաթն եփի:

Մի աղվես գալիս է, գլուխը կոխում կաթի ամանը, կաթն ուտում:

Պառավը վրա է հասնում, ցաքատով տալիս է, աղվեսի պոչը կտրում:

Պոչատ աղվեսը փախչում է, գնում մի քարի վրա կանգնում է ու էսպես խնդրում.

- Տատի՛կ, տատի՛կ, պոչս տուր, կցեմ, կցմցեմ, գնամ ընկերներիս հասնեմ, որ ինձ չասեն՝ պոչատ աղվես, որտե՞ղ էիր:

Պառավն ասում է.

- Դե գնա իմ կաթը բեր:

Աղվեսը գնում է կովի մոտ:

- Կովի՛կ, կովի՛կ, կա՛թ տուր ինձ, կաթը տանեմ պառավին տամ, պառավը պոչս տա, կցեմ, կցմցեմ, գնամ ընկերներիս հասնեմ, որ ինձ չասեն՝ պոչատ աղվես, որտեղ էիր:

Կովն ասում է.

- Դե գնա ինձ համար խոտ բեր:

Աղվեսը գնում է արտի մոտ:

- Արտի՛կ, արտի՛կ, խո՛տ տուր ինձ, խոտը տանեմ կովին տամ, կովը ինձ կաթ տա, կաթը տանեմ պառավին տամ, պառավը պոչս տա, կցեմ, կցմցեմ, գնամ ընկերներիս հասնեմ, որ ինձ չասեն՝ պոչատ աղվես, որտե՞ղ էիր:

Արտն ասում է.

- Դե գնա ինձ համար ջուր բեր:

Աղվեսը գնում է աղբյուրի մոտ:

- Աղբյու՛ր, աղբյու՛ր, ջո՛ւր տուր ինձ, ջուրը տանեմ արտին տամ, արտը ինձ խոտ տա, խոտը տանեմ կովին տամ, կովը ինձ կաթ տա, կաթը տանեմ պառավին տամ, պառավը պոչս տա, կցեմ, կցմցեմ, գնամ ընկերներիս հասնեմ, որ ինձ չասեն՝ պոչատ աղվես, որտե՞ղ էիր:

Աղբյուրն ասում է.

- Դե գնա կուժ բեր:

Աղվեսը գնում է աղջկա մոտ:

- Աղջի՛կ, աղջի՛կ, կուժը տուր, կուժը տանեմ աղբյուրին տամ, աղբյուրը ինձ ջուր տա, ջուրը տանեմ արտին տամ, արտը ինձ

խոտ տա, խոտը տանեն կովին տամ, կովը ինձ կաթ տա, կաթը տանեն պառավին տամ, պառավը պոչս տա, կցեն, կցմցեն, գնամ ընկերներինս հասնեն, որ ինձ չասեն՝ պոչատ աղվես, որտե՞ղ էիր:

Աղջիկն ասում է.

- Դե գնա ուլունք բեր ինձ համար:

Աղվեսը գնում է չարչու մոտ:

- Չարչի՛, չարչի՛, ուլունք տուր, ուլունքը տանեն աղջկան տամ, աղջիկը ինձ կուժ տա, կուժը տանեն աղբյուրին տամ, աղբյուրը ինձ ջուր տա, ջուրը տանեն արտին տամ, արտը ինձ խոտ տա, խոտը տանեն կովին տամ, կովը ինձ կաթ տա, կաթը տանեն պառավին տամ, պառավը պոչս տա, կցեն, կցմցեն, գնամ ընկերներինս հասնեն, որ ինձ չասեն՝ պոչատ աղվես, որտե՞ղ էիր:

Չարչին ասում է.

- Դե գնա ինձ համար ձու բեր:

Աղվեսը գնում է հավի մոտ:

- Հավի՛կ, հավի՛կ, ձու-ձու տուր, ձու-ձուն տանեն չարչուն տամ, չարչին ինձ ուլունք տա, ուլունքը տանեն աղջկան տամ, աղջիկը ինձ կուժ տա, կուժը տանեն աղբյուրին տամ, աղբյուրը ինձ ջուր տա, ջուրը տանեն արտին տամ, արտը ինձ խոտ տա, խոտը տանեն կովին տամ, կովը ինձ կաթ տա, կաթը տանեն պառավին տամ, պառավը պոչս տա, կցեն, կցմցեն, գնամ ընկերներինս հասնեն, որ ինձ չասեն՝ պոչատ աղվես, որտե՞ղ էիր:

Հավն ասում է.

- Դե գնա ինձ համար կուտ բեր:

Աղվեսը գնում է կալվորի մոտ:

- Կալվոր՛, կալվոր՛, կո՛ւտ տուր ինձ, կուտը տանեն հավին տամ, հավը ինձ ձու տա, ձուն տանեն չարչուն տամ, չարչին ինձ ուլունք տա, ուլունքը տանեն աղջկան տամ, աղջիկը ինձ կուժ տա, կուժը տանեն աղբյուրին տամ, աղբյուրը ինձ ջուր տա, ջուրը տանեն արտին տամ, արտը ինձ խոտ տա, խոտը տանեն կովին տամ, կովը ինձ կաթ տա, կաթը տանեն պառավին տամ, պառավը պոչս տա, կցեն, կցմցեն, գնամ ընկերներինս հասնեն, որ ինձ չասեն՝ պոչատ աղվես, որտե՞ղ էիր:

Կալվորի մեղքը գալիս է. մի բուռ կուտ է տալիս: Աղվեսը կուտը տանում է հավին, հավը ձու է տալի, ձուն տանում է չարչուն, չարչին ուլունք է տալի, ուլունքը տանում է աղջկան, աղջիկը կուժ է տալի, կուժը տանում է աղբյուրին, աղբյուրը ջուր է տա-

լի, ջուրը տանում է արտին, արտը խոտ է տալի, խոտը տանում է կովին, կովը կաթ է տալի, կաթը տանում է տալի պառավին, պառավը պոչը տալիս է իրեն, կցում է, կցմցում, վազում է գնում, իր ընկերներին հասնում:

#### 4. Թումսևյան

### ԾԻՏԸ

Լինում է, չի լինում մի ծիտ:

Մի անգամ էս ծիտ ոտը փուշ է մտնում: Դե է թռչում, դե է թռչում, տեսնում է՝ մի պառավ փետի է ման գալի, թոնիրը վառի, հաց թխի: Ասում է.

- Նանի՛ ջան, նանի՛, ոտիս փուշը հանի, թոնիրը վառի, ես էլ գնամ քուջուջ անեն, գլուխս պահեն:

Պառավը փուշը հանում է, թոնիրը վառում:

Ծիտը գնում է, ետ գալի, թե՛ փուշը ետ տուր ինձ:

- Փուշը թոնիրն եմ գցել:

Ծիտը կանգնում է, թե՛

- Իմ փուշը տուր, թե չէ դես թռչեմ, դեմ թռչեմ, լոշիկդ առնեմ, դուրս թռչեմ:

Պառավը մի լոշ է տալի: Ծիտը լոշն առնում է թռչում:

Գնում է տեսնում՝ մի հովիվ անհաց կաթն է ուտում: Ասում է.

- Հովիվ ախպեր, կաթն ինչո՞ւ ես անհաց ուտում: Ա՛յ լոշը ա՛ռ, կաթի մեջ բրդի՛, կե՛ր, ես էլ գնամ քուջուջ անեն, գլուխս պահեն:

Գնում է, ետ գալի, թե՛ լոշս տուր:

Հովիվն ասում է.

- Կերա:

- Չէ՛, - ասում է, - իմ լոշը տուր, թե չէ դես թռչեմ, դեմ թռչեմ, գառնիկդ առնեմ, դուրս թռչեմ:

Հովիվը ճարահատած մի գառն է տալի: Առնում է թռչում:

Գնում է տեսնում՝ մի տեղ հարսանիք են անում, մսացու չունեն, որ մորթեն:

Ասում է. - Ի՞նչ եք մոլորել: Ա՛յ, իմ գառն առեք, մորթեցեք, քե՛ֆ արեք: Ես էլ գնամ քուջուջ անեն, գլուխս պահեն:

Գնում է, գալի, թե՛ իմ գառը տվեք:

Ասում են. - Մորթել ենք կերել, որտեղի՞ց տանք:

Սա կանգնում է, թե՛ չէ, իմ գառը տալիս եք տվեք, թե չէ՛ դես

թոչեմ, դեմ թոչեմ, հարսին առնեմ, դուրս թոչեմ:

Ու հարսին առնում է թոչում:

Գնում է, գնում, գնում է տեսնում՝ մի աշուղ մի ճամփով գնում է:

Ասում է. - Աշուղ ախպեր, առ էս հարսին պահի քեզ մոտ: Ես էլ գնամ քուջուջ անեմ, գլուխս պահեմ:

Գնում է, ետ գալի աշուղի առաջը կտրում, թե՛ իմ հարսը ինձ տուր:

Աշուղը ասում է, - Հարսը գնաց իրենց տուն:

Սա թե՛ չէ, իմ հարսը տուր, թե չէ՛ դես թոչեմ, դեմ թոչեմ, սա-  
զիկդ առնեմ դուրս թոչեմ:

Աշուղը սազը տալիս է իրեն:

Սազն առնում է, ուսը գցում, թոչում, մի տեղ նստում է, սկսում է ածել ու ճըտվըտալով երգել.

- Ծընգը, մընգը, Փուշիկ տվի, լոշիկ առա, Լոշիկ տվի, գառ-  
նիկ առա, Գառնիկ տվի, հարսիկ առա, Հարսիկ տվի, սազիկ ա-  
ռա, Սազիկ առա, աշուղ դառա, Ծընգը, մընգը, Ծի՛վ-ծի՛վ:

Մին էլ հանկարծ սազը վեր ընկավ ջարդվեց, ծիտը թռավ  
գնաց, հեքիսքն էլ վերջացավ:

### Հ. Թումանյան

## ԵՐԿԻՆՔԸ ՓՈՒԼ Է ԳԱԼԻՍ

Լինում է, չի լինում՝ մի Ճատիկ-Ճուտիկ: Էս Ճատիկ-Ճուտիկը  
մի օր ծածուկ մտնում է դրացու պարտեզը, որ քուջուջ անի:

Մեկ էլ հանկարծ թփից մի վարդ է պոկվում, ընկնում է պոչին:

Ճատիկ-Ճուտիկը վախեցած դուրս է փախչում: Վազում է վա-  
զում, հասնում է Հավիկ-Մարիկին:

- Վա՛յ, Հավիկ-Մարիկ, - կանչում է հեռվից, - երկինքը փուլ է  
գալիս:

- Ա՛ Ճատիկ-Ճուտիկ, եղ որտեղի՞ց իմացար, - հարցնում է Հա-  
վիկ-Մարիկը:

- Օ՛, ես իմ աչքովը տեսա, իմ ականջովը լսեցի, մի կտորն էլ  
դեռ պոչիս ընկավ:

- Դե, արի փախչենք, - ասում է Հավիկ-Մարիկը:

Վազում են, վազում, հասնում են Բաղիկ-Տատիկին:

- Վա՛յ, Բաղիկ-Տատիկ, - կանչում է Հավիկ-Մարիկը, - երկին-

քը փուլ է գալիս:

- Ա՛ Հավիկ-Մարիկ, եղ որտեղի՞ց իմացար, - հարցնում է Բա-  
ղիկ-Տատիկը:

- Ճատիկ-Ճուտիկն է ասում:

- Ա՛ Ճատիկ-Ճուտիկ, եղ որտեղի՞ց իմացար:

- Օ՛, ես իմ աչքովը տեսա, իմ ականջովը լսեցի, մի կտորն էլ  
դեռ պոչիս ընկավ:

- Դե, եկեք փախչենք, - ասում է Բաղիկ-Տատիկը:

Վազում են, վազում, հասնում են Սազիկ-Խաթունին:

- Վա՛յ, Սազիկ-Խաթուն, - կանչում է Բաղիկ-Տատիկը, - եր-  
կինքը փուլ է գալիս:

- Ա՛ Բաղիկ-Տատիկ, եղ որտեղի՞ց իմացար, - հարցնում է Սա-  
զիկ-Խաթունը:

- Հավիկ-Մարիկն է ասում:

- Ա՛ Հավիկ-Մարիկ, եղ որտեղի՞ց իմացար:

- Ճատիկ- Ճուտիկն է ասում:

- Ա՛ Ճատիկ-Ճուտիկ, եղ որտեղի՞ց իմացար:

- Օ՛, ես իմ աչքովը տեսա, իմ ականջովը լսեցի, մի կտորն էլ  
դեռ պոչիս ընկավ:

- Դե, եկեք փախչենք, - ասում է Սազիկ-Խաթունը:

Վազում են, վազում, հասնում են Հնդու-Թնդուին:

- Վա՛յ, Հնդու-Թնդու, - կանչում է Սազիկ-Խաթունը, - երկին-  
քը փուլ է գալիս:

- Ա՛ Սազիկ-Խաթուն, եղ որտեղի՞ց իմացար, - հարցնում է Հն-  
դու-Թնդուն:

- Բաղիկ-Տատիկն է ասում:

- Ա՛ Բաղիկ-Տատիկ, եղ որտեղի՞ց իմացար:

- Հավիկ-Մարիկն է ասում:

- Ա՛ Հավիկ-Մարիկ, եղ որտեղի՞ց իմացար:

- Ճատիկ- Ճուտիկն է ասում:

- Ա՛ Ճատիկ-Ճուտիկ, եղ որտեղի՞ց իմացար:

- Օ՛, ես իմ աչքովը տեսա, իմ ականջովը լսեցի, մի կտորն էլ  
դեռ պոչիս ընկավ:

- Դե, եկեք փախչենք, - ասում է Հնդու-Թնդուն:

Վազում են, վազում, հասնում են Աղա-Աղվեսին:

- Աղա-Աղվե՛ս, Աղա-Աղվե՛ս, - կանչում է Հնդու-Թնդուն, եր-  
կինքը փուլ է գալիս:

- Ա՛ Հնդու-Թնդու, եղ որտեղի՞ց իմացար, - հարցնում է Աղա-

Աղվեսը:

- Մագիկ-Խաթունն է ասում:
- Ա՛ Մագիկ-Խաթուն, էդ որտեղի՞ց իմացար:
- Բաղիկ-Տատիկն է ասում:
- Ա՛ Բաղիկ-Տատիկ, էդ որտեղի՞ց իմացար:
- Ճստիկ-Ճուտիկն է ասում:
- Ա՛ Ճստիկ-Ճուտիկ, էդ որտեղի՞ց իմացար:
- Օ՛, ես իմ աչքովը տեսա, իմ ականջովը լսեցի, մի կտորն էլ դեռ պոչիս ընկավ:
- Էդ ի՞նչ եք ասում, - ասում է Աղա-Աղվեսը,- եկեք ձեզ տանեմ իմ տունը, որ երկինքը ձեր գլխին փուլ չգա:

Ճստիկ-Ճուտիկը, Հավիկ-Մարիկը, Բաղիկ-Տատիկը, Մագիկ Խաթունը, Հնդու-Թնդուն բոլորը միասին ընկնում են Աղա-Աղվեսի ետեից եւ մտնում են նրա որջը:

Մտնում են նրա որջը ու են մտնելն էր, որ մտան, մինչեւ էսօր էլ դեռ չեն դուրս եկել:

### Փոխադրությունը Գ. Նազինյանի

## ՀԱԶԱՐԱՆ ԲԼԲՈՒԼ

Հայկական ժողովրդական հեքիաթ

Լինում է, չի լինում՝ մի թագավոր, սա ունենում է երեք տղա: Օրերից մի օր թագավորը տղաներին ասում է, - Մեր տները հնացել են, բերեք նորոգենք:

Տղաները քանդում են տները, նորից շինում:

Թագավորը ժողովրդին հավաքում է, պալատները ցույց տալիս, հարցնում. - Լավ ե՞նք շինել:

Մարդիկ էս ու են կողմից ասում են. - Շա՛տ լավ են, դրանց նմանը չկա:

Մի պառավ գալիս է ասում. - Թագավորն ապրած կենա, լավ եք շինել, համա մի բան պակաս է:

Պառավը որ ասում է «Մի բան պակաս է», թագավորը հրամայում է, - Քանդեցեք, նորը շինեցեք:

Էդ տները քանդում են: Նորից են շինում ուրիշ տեսակ, դրանից ավելի լավը:

Ժողովրդին հավաքում է, հարց ու փորձ անում՝ հավանում են: Բայց էլի են պառավը գալիս է, ասում. - Շատ լավ է շինված,

համա մի բան պակաս է:

Թագավորը էլի քանդել է տալիս, ասում, - Դե որ էդպես է, են տեսակ շինեցեք, որ պակասություն չունենա:

Թագավորը երրորդ անգամ պալատները շինել է տալիս՝ մարմար քարերով, ամեն սարք ու կարգը տեղը, մի զարմանալու բան: Իր երկրում ինչքան մարդ կար՝ հավաքվում են, նայում, հիանում:

Պառավը գալիս է, ասում. - Թագավորն ապրած կենա, էլի մի բան պակաս է: Սրա միջին Հազարան բլրուլը պետք է ըլի, որ հազար տեսակ ծլվլա ու երգի, խաղ ասի, խոսի, են ժամանակ քո քեֆին քեֆ չի հասնի:

Թագավորը առավոտը իր նազիր-վեզիրին կանչում է, հրամայում. - Գնացե՛ք, Հազարան բլրուլը բերե՛ք:

Նազիր-վեզիրն ասում են. - Թագավորն ապրած կենա, մենք ո՛չ Հազարան բլրուլ լսել ենք, ո՛չ էլ տեսել, որտեղի՞ց գնանք բերենք:

Թագավորի երեք տղաներն առաջ են գալիս, ասում. - Ա՛յ հեր, մենք կգնանք Հազարան բլրուլը կբերենք:

Տղերքը ճամփա են ընկնում: Շատ են գնում, թե քիչ, շատ ու քիչը իրենք գիտեն, գնում են մի այգեպանի են պատահում: Դրա այգու կողքից երեք ճամփա էր գնում:

Այգեպանին հարցնում են. - Էս ճամփեքը ո՞րն են տանում:

Ասում է. - Վերինը գնում է Բաքի, միջինը գնում է Շաքի, էս ներքին ճամփան էլ Գնացող - ետ չդարձողինն է:

Փոքր եղբայրը կարգադրում է, որ մեծ եղբայրը վերի ճամփով գնա, միջնեկը՝ միջին ճամփով, իսկ ինքը ներքին ճամփան է ընտրում:

Եղբայրներին ասում է. - Ախպերտի՛նք, գնում ենք, համա որս որ շուտ գանք, էտեղ՝ էս բաղմանչու մոտ կսպասենք, որ երեքս էլ միատեղ վեր կենանք, ետ գանք մեր տուն:

Էդտեղ բաժանվում են, ամեն մինը մի ճամփով գնում է: Մեծ եղբայրը գնում է դուրս գալիս մի քաղաք, միջնեկ եղբայրն էլ մի ուրիշ քաղաք, ինքն էլ Գնացող-ետ չդարձողի ճամփան բռնած գնում է, հա՛ գնում:

Շատ է գնում, թե՛ քիչ, ինքը գիտի, գնում է տեսնում մի Ծերունի մի մեծ պալատի դռանը նստած: Բարեւ է տալիս, անց կենում: Ծերունին պատասխան չի տալիս: Էդ տղան էլ նրա վրա

իսկի ուշք չի դարձնում, անց է կենում, գնում:

Ծերունին նոր նրա ետեւից ձեն է տալիս. - Ա՛յ տղա, ետ արի:

Գալիս է: Ծերունին հարցնում է. - Էդ ո՞ւր ես գնում:

- Գնում եմ Հազարան բլրուր բերեմ:

- Հազարան բլրուրի պահապանը ես եմ: Տեսնում ես Գնացող-ետ չդարձողի ճամփան, ինչքան մարդ էս ճամփովը եկել է՝ ետ չի դարձել, բոլորին վնասել եմ: Համա քեզ շատ հավանեցի, պետք է օգնեմ: Լավ ականջ դիր, ինչ որ կասեմ՝ ջըլնեմ-չիմանամ խոսքիցս դուրս գաս: Առ էս Քեչա-քյուլլահը: Որ գնաս Հազարան բլրուրի պալատը հասնես, էս Քեչա-քյուլլահը կդնես գլխիդ՝ էլ քեզ ոչ որ չի տեսնի: Տուն կմտնես, Հազարան բլրուր կվերցնես, կբերես, համա ուրիշ բանի ձեռ չտաս:

Տղան գնում է հասնում թագավորի պալատը, Քեչա-քյուլլահը դնում է գլխին, տուն մտնում ու մի պուճախում կանգնում: Թագավորը գալիս է պալատականներով, իրիկնահաց են բերում, սեղան բացում, ուտում-խմում:

Տղա ու աղջիկ իրար են անցնում, համ տղաներն են սպասարկում, համ աղջիկները: Հետո աղախիկները թագավորին իր տեղում պառկեցնում են, իրենք վեր կենում, գնում:

Անցողարձը որ հանդարտվում է, էն տղան տեսնում է, որ հրեն մի պսպղուն Խանչալ պատիցը կախ արած, վերցնում է կապում գոտուց: Հետո թագավորի ոսկի Չիբուխն է վերցնում, դնում ծոցը: Մոտենում է քնած թագավորին, տեսնում է սաթի Տերոդորմեն կողքին ընկած, էն էլ է վերցնում, դնում ջեբը: Հետո Հազարան բլրուր վերցնում ու ճամփա է ընկնում: Գալիս հասնում է էն Ծերունուն:

Տղան Ծերունուն հարցնում է. - Պատճառն ի՞նչ էր, որ դու էս ճամփով եկողներին բոլորին քո ձեռքով կորցրել ես, իսկ ինձ վնաս չտվիր, դեռ հլա ամեն բան էլ սովորեցրիր:

Ծերունին ասում է. - Դու որ եկար աներկյուղ «բարեւ» տվիր, անց կացար, իմ քեֆն էկավ, տեսա, որ դու սրտով տղա ես, դրա համար էլ քեզ ճամփա ցույց տվի ու ամեն բան սովորեցրի:

Հետո տղային հարցնում է. - Հո ուրիշ բան չվերցրի՞ր:

Տղան ասում է. - Չէ՛, մենակ Հազարան բլրուրն եմ բերել, մին էլ քո տված Քեչա-քյուլլահը: Ա՛ռ, ախպեր, քո Քեչա-քյուլլահը, շատ շնորհակալ եմ, որ դու ինձ էս մեծ լավությունն արիր:

Տղան Ծերունու ձեռքը համբուրում է, «մնաս բարով» ասում,

Հազարան բլրուր վերցնում է ու ճամփա ընկնում:

Գալիս է հասնում այգեպանի մոտ, հարցնում է. - Ա՛յ այգեպան, իմ ախպորտանցից եկող չէլա՞վ:

Ասում է. - Չէ՛:

Տղան ասում է. - Քեռի՛, էս խանչալը քեզ նվեր, փետ կկտրես: Էս Հազարան բլրուրն էլ կպահես, ես գնում եմ ախպորտանցս գտնելու, մինչեւ իմ ետ գալը Հազարան բլրուր քեզ ամանաթ:

Տղան միջի ճամփան բռնում է ու գնում: Գնում հասնում է մի քաղաք, տեսնում է միջնեկ եղբայրը մի փալան շալակին համբալոթյուն է անում: Մի ծանր պարկի տակ տնքալով, չոքին-պոկին անելով տանում է:

Եղբորն ասում է. - Ա՛յ տղա, էդ ի՞նչ բանի ես, թագավորի կարողությունը հատացրել, համբալոթյուն ես անում: Վեր գցի՛ էդ ջվալն ու ետեւիցս արի:

Եղբորը տանում է, նոր շորեր առնում, հագցնում՝ ոտ ու գլուխը նորոգում: Գալիս են քաղաքի ծայրին մի խանութում հաց են ուտում: Դուրս գալու ժամանակ տղան խանութպանին հարցնում է. - Ի՞նչ պիտի տանք:

- Հինգ մանեթ. - ասում է խանութպանը:

Տղան սաթի Տերոդորմեն հանում է տալիս խանութպանին, ասում. - Ա՛ռ, հինգ մանեթի տեղ քեզ ամանաթ, որ փողը բերինք՝ Տերոդորմեն ետ կտաս:

Սա էլ վերցնում է Տերոդորմեն, պատից կախ անում:

Եղբոր հետ գալիս է այգեպանի մոտ, ասում է. - Էս ախպորս Հազարան բլրուրի հետ կպահես, մինչեւ գնամ մեկել ախպորս գտնեմ, բերեմ:

Ընկնում է վերին ճամփան, մեծ եղբոր ետեւից գնում: Գնում է մի քաղաք մտնում, տեսնում է մեծ եղբայրը երկու էշ առաջին արած՝ աղբը բարձած գալիս է: Սա էլ եկել էր մի այգեպանի մոտ մշակ վարձվել, մենակ մի վերնաշապիկ կար հագին, քամին որ փչում էր, փեշերը ետ տանում, թե ու քիկունքը բացվում էր:

Եղբորը ասում է. - Դու թագավորի մեծ տղեն ըլնես ու էդ օրո՞ւմ: Թո՛ղ էշերը ու ետեւիցս արի:

Ախպորը վերցնում է, նոր շորեր առնում, հագցնում, տանում է մի հյուրատուն, լավ ուտեցնում, խմեցնում: Դուրս գալու ժամանակ տանտիրոջը հարցնում է.

- Ի՞նչ պիտի տամ:

- Հինգ մանեթ. - ասում է տանտերը:

- Առ էս Չիբուխը, երբ որ քո փողը կորկեմ, Չիբուխը ետ կտաս:

Էն մարդն էլ ասում է՝ լա՛վ: Վերցնում է Չիբուխը, պատիցը կախ անում:

Տղան մեծ ախպորն էլ առնում, գալիս է այգեպանի մոտ: Երեք եղբայրները միանում են, Հազարան բլբուլը վերցնում ու ճամփա ընկնում:

Գալիս են, գալիս, շատն ու քիչը իրենք գիտեն, ճամփին փոքր եղբայրը ետ է մնում: Էս մեծ ու միջնեկ եղբայրները գալիս են հասնում մի ջրհորի, խալիչեն գցում են հորի բերանին ու ամեն մեկը մի ծայրին նստում:

Փոքր եղբայրը բեզարած, հոգնած գալիս է հասնում նրանց: Ասում են. - Ա՛յ ախպեր ջան, արի՛, արի՛, նստի՛ դինջացի:

Նա գալիս է մեջտեղը նստում: Եղբայրները վեր են կենում քե չէ, նա խալիչեն տակին ընկնում է ջրհորը:

Ասում են. - Խալիչեն մեզ տուր, քեզ էդտեղից հանենք:

Ասում է. - Որ դուք հանող լինեիք, ինձ էս հորը չէիք գցի, առե՛ք ձեր խալիչեն, գնացե՛ք, կորե՛ք:

Եղբայրները գալիս են տուն հասնում: Հազարան բլբուլը տալիս են իրենց հորը: Հայրն էլ վերցնում է Հազարան բլբուլը, կախ անում պատից: Ի՞նչ անում, չեն անում՝ Հազարան բլբուլը չի երգում, ձեն չի հանում:

Սրանց թողնենք էստեղ, լուր տանք փոքր եղբորից: Մի վաճառական է գալիս էդ ջրհորի գլխին կանգնում, քարավանը տանելիս միշտ էդտեղից ջուր է վերցնում: Ուզում է, որ ջուր հանի, տեսնում է ջրհորում մի մարդ կա: Պարանը կախում է դուրս հանում, տեսնում է մի սիրուն, շնորհքով տղա, ասում է. - Ա՛յ տղա, էստեղ ի՞նչ ես շինում:

- Գիշերը ճամփա էի գալիս, մթնագիշեր էր, եկա ու հանկարծ ընկա էս հորի մեջ:

Վաճառականն ասում է. - Ա՛յ որդի, ես գավակ չունեմ, դու կըլնես իմ տղան:

Վաճառականը նրան որդեգրում է ու տանում գործի դնում իր խանութում: Էս տղան սկսում է իրեն համար կարգին առետուր անել:

Հիմի էլ լուր տանք Հազարան բլբուլի տեր քազավորից: Թա-

գավորը առավուտը վեր է կենում տեսնում Խանչալը չկա, Չիբուխը չկա, Տերողորմեն չկա, Հազարան բլբուլը չկա, կանչում է նազիր-վեզիրին, հրամայում, որ կռվի պատրաստությամբ տեսնեն:

Չորքը հավաքում են ու ճամփա ընկնում: Գալիս են հասնում Ծերունու մոտ:

Թազավորն ասում է. - Էսքան ժամանակ ինձ պահպանել ես, էս ո՞նց է պատահել, որ հիմի իմ ունեցվածքը թալանել ես տվել:

Հալիվորն ասում է. - Թազավորն ապրած կենա, քու աշխարհի չորս կողմովը ճամփա կա, բալքի ուրիշ ճամփով են տարել, ես ի՞նչ իմանամ:

Թազավորն իրեն գորքով հասնում է այգեպանին: Տեսնում են այգեպանը թազավորի Խանչալը ձեռին փայտ է կտրում, ծայրերն էլ սրում:

Նազիր-վեզիրը այգեպանին ծեծում են, ասում.

- Էս Խանչալը քեզ որտեղի՞ց, ո՞վ է տվել քեզ:

- Ախպե՛ր, - ասում է, - ինձ ինչի՞ եք սպանում, թողեք ասեմ, մի տղա բերեց ինձ տվեց ու ինքը գնաց, ես էլ աղքատ մարդ եմ, ցաքատս կտարել է, կացին էլ չունեմ, էս խանչալով փետ եմ կտրում:

Թազավորը հարցնում է. - Խանչալի գինն ի՞նչ է:

- Հինգ մանեթ. - պատասխանում է այգեպանը:

Թազավորը հանում է հինգ մանեթը տալիս այգեպանին, Խանչալը վերցնում, հետո հարցնում է, քե. - Էն տղեն ո՞ւր գնաց:

Այգեպանն ասում է. - Էս միջի ճամփովը գնաց:

Թազավորը գորքը քշում է, էն միջի ճամփան բռնում՝ գնում հասնում է մի քաղաք, մտնում է էն խանութը, որտեղ որ թազավորի տղաները հաց էին կերել: Տեսնում է իր Տերողորմեն էնտեղ կախ արած, հարցնում է. - Դրա գինն ի՞նչ է:

Խանութպանն ասում է. - Հինգ մանեթ:

Հանում է հինգ մանեթը տալիս, Տերողորմեն վերցնում, ես գալիս այգեպանի մոտ, հարցնում, - Էն տղեն հետո ո՞ւր գնաց:

- Էս վերի ճամփով գնաց:

Վերի ճամփով գնում են, հասնում էն քաղաքը, էն հյուրատունը, որտեղ թազավորի տղաները հաց էին կերել, հանգստացել: Մտնում են հյուրատուն՝ հաց ուտելու, տեսնում են թազավորի Չիբուխը էնտեղ կախ արած:

Թագավորը հարցնում է.- Էս Չիբուխի գինն ի՞նչ է:

- Հինգ մանեթ. - ասում է տանտերը:

Հինգ մանեթը տալիս է, Չիբուխը վերցնում ու ետ դառնում:

Գալիս են նորից այգեպանի մոտ, հարցնում, թե՛ են տղեն հետո ո՞ր գնաց:

Այգեպանը ճանփան ցույց է տալիս: Հազարան բլբուլի տեր թագավորը գորթով գալիս հասնում է է՛ն քաղաքը, որտեղ Հազարան բլբուլն էր: Լուր է տալիս էդ երկրի թագավորին. - Հազարան բլբուլը դրկի, թե չէ քաղաքդ տակն ու վրա են անում:

Թագավորը տղաներին կանչում է, ասում. - Որդի՛ք, Հազարան բլբուլի տերը եկել է՝ Հազարան բլբուլը ուզում է, գնացե՛ք պատասխան տվե՛ք:

Տղաները վեր են կենում, գալիս Հազարան բլբուլի տիրոջ մոտ, ասում են. - Հազարան բլբուլը մենք ենք բերել:

- Ո՞նց եք բերել, - հարցնում է թագավորը:

Ասում են, - Տուն մտանք, վերցրինք բերինք:

Հազարան բլբուլի տերն ասում է. - Մուտ եք ասում, Հազարան բլբուլը դուք չեք բերել, գնացե՛ք աչքիցս հեռացե՛ք: - Ասում է ու ծեծելով վռնդում:

Թագավորի տղաները ամոթով ետ են գնում:

Հազարան բլբուլի տերը նորից է լուր տալիս թագավորին. - Իմ Հազարան բլբուլը դրկի, թե չէ քաղաքդ տակն ու վրա են անում:

Լուրը գնում, հասնում է վաճառականի տղային:

Մա հորն ասում է, - Ապի՛, արի գնանք տեսնենք էդ ինչ բան է:

- Ա՛յ որդի, - ասում է, - ինչի՞նչ է պետք, քո բանին կաց:

- Չէ՛, - ասում է, - ապի, գնա՛նք, բարձի ձեռներիցս մի բան է գալիս:

Հայր ու տղա գնում են թագավորի մոտ:

Տղան ասում է. - Թագավորն ապրած կենա, ինձ ի՞նչ կտաս, որ Հազարան բլբուլի տիրոջը էստեղից հեռացնեն:

- Ի՞նչ կուզես՝ կտամ, - պատասխանում է թագավորը:

Էդ տղան գալիս է Հազարան բլբուլի տիրոջ մոտ ու ասում. - Թագավորն ապրած կենա, ի՞նչի ես եկել ժողովրդին լեղաճաք անում: Հազարան բլբուլ բերողը մի մարդ կըլի: Հիմի ես սաղ քաղաքն ի՞նչ մեղավոր է, որ ուզում ես տակն ու վրա անես: Զո Հազարան բլբուլը ես եմ բերել, ինչ ուզում ես արա ինձ:

- Ո՞նց բերեցիր. - հարցնում է բլբուլի տերը:

- Ես Գնացող-ետ չդարձող ճամփով եկա, տեսա՛ ճամփի կողքին մի պալատ, մտալ մի Ծերունի նստած: «Բարով» տվի անց կացա, նա ինձ ետ կանչեց. «Ո՞ր ես գնում»: Ասի. «Գնում եմ Հազարան բլբուլը բերեմ»: Ծերունին ինձ մի Քեչա-քյուլլահ տվեց: Գլխիս դրի, մտա քու պալատը: Իրիկնահացը կերա, քնեցի: Վեր կացա Խանչալդ, Չիբուխը, Տերողորմեղ ու Հազարան բլբուլը վեր կալա ու եկա Ծերունու մոտ: Քեչա-քյուլլահը ետ տվի, հարցրեց. «Հո ուրիշ բան չվերցրի՞ր»: Ասի. «Չէ՛, մենակ Հազարան բլբուլն եմ բերել»:

Հազարան բլբուլի տերը տեսնում է, որ ամեն բան էդ տղան տեղը-տեղին պատմեց, ասում է, - Էդ բոլորը ճիշտ ես ասում, իմ Հազարան բլբուլը բերողը դու ես: Հիմի ես ու դու պիտի կռիվ անենք, թե դու հաղթեցիր՝ Հազարան բլբուլը քոնն է, թե ես հաղթեցի՝ գլուխդ կտրելու եմ ու Հազարան բլբուլը տանեմ:

Սրանք կոխ են բռնում: Էդ տղան Հազարան բլբուլի տիրոջը վեր է գցում ու բկին չոքում: Հազարան բլբուլի տերն ասում է. - Ա՛յ տղա, ինձ ձեռ մի տալ, ես աղջիկ եմ, ես ուխտ էի արել, ով որ ինձ հաղթի՝ նրան ուզեմ: Էս ական աշխարհքում մենակ դու էիր, որ ինձ հաղթեցիր, սրանից հետո դու իմն ես, ես՝ քոնը:

Սրանք վեր են կենում, իրար ձեռք բռնած գնում են թագավորի պալատը: Հենց պալատ են մտնում, Հազարան բլբուլը խոսում է, ծլվլում, երգում:

Թագավորն ասում է. - Էս ի՞նչ բան է, Հազարան բլբուլը խոսեց:

Տղան ասում է. - Հալբաթ կխոսա, համ տերն է էստեղ, համ բերողը: Բերողը ես եմ, քո պուճուր տղան: Ու պատմում է ամբողջ եղելությունը:

Թագավորն էդ բոպեին հրամայում է մեծ ու միջնեկ տղաներին հեռացնել իր երկրից: Բերում է փոքր տղային ու էդ աղջկան փառքով-պատովով պսակում, հարսանիք անում:

Նրանք հասնում են իրենց փափագին, դուք էլ հասնե՛ք ձեր փափագին:



# ԷՆ Ի՞ՆՉՆ Է, Ի՞ՆՉԸ

Առաստաղը բաց անեմ,  
Առանց կրակ հաց հանեմ:  
(փեքակ)

Քույր ու եղբայր եմ,  
Մինն առավոտն է ծնվում,  
Երեկոյան մեռնում,  
Մյուսը՝ երեկոյան ծնվում է՝  
առավոտը մեռնում:  
(լուսին, արեւ)

Պոչից բռնեմ,  
Արդար կանչի:  
(կշեռք)

Ինչ որ ասենք՝ մեջն է լցվում:  
(ականջ)

Անվարել բուսնում է,  
Հնձում ես՝ չի ուտվում:  
(մազ)

Ինքը երկար,  
Պոչն իրենից երկար:  
(աղվես)

Պզտիկ եմ, պզտիկ եմ,  
Աշխարհը մեջս տեղ կանի:  
(աչքեր)

Էն ինչ քաղաք է,  
Դուրսը արծաթ է, ներսը՝ ոսկի,  
Որ քարով տաս՝ կքանդվի,  
Էլ չի շինվի:  
(ջու)

Պստիկ սիրուն տուն ունեմ,  
Մեջը հազար սյուն ունեմ:  
(քերան)

Մայրս ալյուր մաղեց,  
լեռ, դաշտ պատեց:  
(ջյուն)

Լարը քաշեմ,  
Սարը շարժեմ:  
(ուղի)

Սեւ սատանեն բեղն օլորեց,  
Հազար-հազար մարդ գլորեց:  
(գիշեր)

Էն ինչն է,  
Միշտ բերանիդ մեջ է,  
Բայց կուլ չես տալիս:  
(լեզու)

Ծամուս եմ՝ չի ծամվում,  
Անծամել կուլ եմ տալիս:  
(ջուր)

Քար եմ, բայց քար չեմ,  
Արեւ կպավ՝ կհալչեմ:  
(սառույց)

Ուլուլիկ, պուլուլիկ,  
Մեջը լիքը կարմիր ուլնիկ:  
(նուն)

Էն ի՞նչն է, ի՞նչը,  
Քիթը՝ ոսկորից,  
Մորուքը՝ մսից:  
(արլոր)

Առանց ոտքի,  
Առանց ձեռքի  
Դռներ է բացում:  
(քամի)



## ԱՌԱԾԱՆԻ

1. Գառն ու գելը որ մի ձորում հանդիպեցին, վայ գառի հալին:
2. Սոված հավը երազում կուտ է տեսնում:
3. Գործը էգուցվան մնաց, իմացի՝ կորավ գնաց:
4. Շատ լսիր, քիչ խոսիր:
5. Հասկացողին մին ասա, չհասկացողին՝ հազար ու մին:
6. Մուտասանի տունը կրակ ընկավ, ոչ որ չհավատաց:
7. Շները կռվեցին, անցորդի բանն հաջողեց:
8. Ես աղա, դու աղա, բա մեր աղունն ո՞վ աղա:
9. Գործն արս ինձ համար, սովորիր քեզ համար:



## ՄԿԱՆ ԹԱԿԱՐԴ

(Ժողովրդական խաղեր)

\*\*\*

Էկե դուկե տըմըգա,  
Չալան չուկե պուպուգա,  
Մախտե կոճակ,  
Դան պլոճակ,  
Ճան-ճուկ:

\*\*\*

Բուքմատն ասաց՝ գայլը եկավ:  
Ցուցամատն ասաց՝ որտեղի՞ց եկավ:  
Միջնամատն ասաց՝ սարից եկավ:  
Մատենմատն ասաց՝ եկեք փախչենք:  
Ճկույթն ասաց՝ պստիկ եմ,  
Ճստիկ եմ,  
Ոտիկ չունեմ,  
Թեիկ չունեմ,  
Ինչպե՞ս փախչեմ:

### ՃՎԻԿ-ՃՎԻԿ

Ճվի՛կ-Ճվի՛կ,  
Ակնաճվիկ,  
Կարմիր բաղիկ,  
Նախշուն թեիկ,  
Թռնի գնա հեռու քաղաք,  
Մեզ բուրդ բերի ու շատ բամբակ,

Գուլպա գործենք,  
Գլխարկ գործենք,  
Խորոտ բալի գլխին կործենք:  
Թը՛ն, ճնճուղիիկ:

\*\*\*

Ճկույթն ասաց՝ ա՛յ բույրիկներ, ջա՛ն բույրիկներ, սոված եմ.  
Մատնեմատն ասաց՝ հաց ուտենք,  
Միջնամատն ասաց՝ որտեղի՞ց ուտենք,  
Յուցամատն ասաց՝ գնանք ճարենք,  
Բութմատն ասաց՝ գողանանք ուտենք:

Ծափի՛ն, ծափի՛ն, քափ նաներով,  
Փըլավ կեփեմ պուտկներով,  
Գդալ չկա, լավաչ չկա՝  
Մենք էլ կուտենք մատիկներով:

## ԻՆՉՊԵ՞Ս ԿՈՒՏԵՍ

(Ժողովրդական)

- |  |                                       |
|--|---------------------------------------|
| - Փխիկ, ա՛յ փխիկ,<br>Այդ ի՞նչ ես տանում: | - Անպոչ գդալով:                       |
| - Կարագ ու մեղր:                         | - Գդալդ ո՞ւր է:                       |
| - Ի՞նչ ես անելու:                        | - Վա՛յ, վա՛յ, կորել է:                |
| - Ես պիտի ուտեմ:                         | - Բա ինչպե՞ս կուտես:                  |
| - Իսկ ինչո՞վ կուտես:                     | - Այսպե՛ս, քաթիկով,<br>Պնչով, քթիկով: |

\*\*\*

Ծուղրուղո՛ւ, սանամեր,  
Էն մեկ հավք կար, ո՞ւր գնաց,  
- Ծարավ աղբրում կուլ գնաց:  
- Ի՞նչ կար կտցում:  
- Չիր ու չամիչ:  
- Ո՞ւր էր տանում:

- Հարս ու փեսին:
- Ոսկե քախտին:
- Ի՞նչ էր եփում:
- Համով կորկոտ:
- Ո՞ւր էր դրել:
- Բաց պատուհան:
- Ո՞վ է կերել:
- Սեւ փիշիկը:
- Ա՛յ սեւ փիշիկ, վա՛յ սեւ փիշիկ,  
Քո մերն ուտի քո բշիկ:

## ԱՓ ՈՒ ՊՏՂՈՒՆՑ

Իրար դիմաց նստելով՝ խաղացողները մրցում են հետեւյալ ձեւով: Խաղացողը բաց է անում ձախ ափը եւ աջ ձեռքի մատները պտղունց ձեւացնելով՝ հենում է ձախ ափամիջին: Հետո բացում է աջ ափը եւ ձախն է պտղունց անում ու հպում աջ ափամիջին, անսխալ կարգով գործողությունը կատարվում է ակնթարթային արագությամբ, մերթ մեկ, մերթ մյուս խաղացողի կողմից:

## ՄՈՒԿՆ ՈՒ ԿԱՏՈՒՆ

Երեխաներից մեկը ընտրվում է մուկ, մյուսը՝ կատու: Երկուսի աչքերը թաշկինակով կապում են, թեւ երբեմն մկանը բաց են թողնում: Մուկը, ձեռքն առնելով 2 փոքրիկ քար, միմյանց է խփում ու վազում այս ու այն կողմ: Կատուն այդ չխկչխկոցի միջոցով հետետում է նրան՝ աշխատելով բռնել: Երբ հաջողեցնում է, դերերը փոխում են:

## ՃՆՃՂՈՒԿՆԵՐՆ ՈՒ ԿԱՏՈՒՆ

Գետնին 5-6 մ տրամագծով շրջան են գծում: Խաղացողներից մեկին «կատու» են նշանակում, որը կանգնում է շրջանագծի մեջ: Մնացածները ճնճղուկներն են, որոնք կանգնում են շրջանից դուրս: Խաղը սկսելուց հետո ճնճղուկները թռչկոտելով մտնում են շրջան եւ դուրս գալիս, իսկ կատուն նրանցից մեկին շրջանի մեջ պետք է բռնի:

*Խաղի կանոնները.*

1. Կատուն ճնճողուկներին պետք է բռնի միայն շրջանի մեջ:
2. Ճնճողուկները շրջանի մեջ եւ նրանից դուրս թռչկոտում են մեկ կամ երկու ոտքով:

**ՄԿԱՆ ԹԱԿԱՐԴ**

Խաղացողները բաժանվում են երկու խմբի: Մի խումբը (կատուները) շրջան է կազմում, իսկ մյուս խումբը (մկները) ցրվում է: Կատուները կազմում են շրջան-թակարդ եւ արտասանում.

Ա՛խ, որքան ձանձրալի են այս մկները, Կրծոտել են ու լափել եղած ողջ կերը, Որտեղ նայես՝ մկներ են ճստիկ, Բազմացել են ու տարածվել սաստիկ: Մենք էլ հիմա թակարդ կդնենք Ու էս մկներին տեղում կբռնենք:

Վերջին 2 տողերն արտասանելիս կատուները բարձրացնում են ձեռքերը, եւ մկները սկսում են վազվզել շրջանից ներս ու դուրս: Խաղավարի ազդանշանով կատուները ձեռքերն իջեցնում են եւ կքանատում:

Այնուհետեւ խմբերը տեղերը փոխում են: Վերջում հաշվում են արդյունքները, որ խումբը շատ մկներ է բռնել, հաղթում է:

*Խաղի կանոնները.*

1. Թակարդը փակվում է ազդանշանից հետո:
2. Թակարդում մնացածները այն ճեղքելով անցնելու իրավունք չունեն:

**ԹՉՈՒԿՆԵՐ ԵՎ ՀՍԿԱՆԵՐ**

Խաղացողները կանգնում են շրջանով: Երբ խաղավարը ասում է՝ հսկաներ, բոլորը բարձրանում են ոտնաթաթերին եւ ձեռքերը բարձրացնում վեր, իսկ եթե ասում է՝ թզուկներ, կքանատում են՝ ձեռքերը տարածելով առաջ:

Մի քանի անգամ խաղալուց հետո, խաղավարը «խառնում» է շարժումները, այսինքն՝ «հսկաներ» ասելիս ինքը կքանատում է, իսկ «թզուկների» ժամանակ բարձրանում ոտնաթաթերին՝ ձեռքերը վեր բարձրացնելով: Սա արվում է երեխաներին շփոթեցնելու եւ խաղն աշխուժացնելու համար: Խաղացողները պետք է ճիշտ կատարեն խաղավարի հրահանգները եւ ոչ թե հետեւեն շարժումներին:

**ԿԱՏՈՒՆ ԵԿԱՎ**

Դահլիճի մի անկյունում գտնվում է «կատվի տունը», իսկ «մկները» ցրվում են դահլիճում, պարում, կատարում տարբեր շարժումներ: Խաղավարի «կատուն եկավ» ազդանշանից հետո մկները սսկվում են: Կատուն դուրս է գալիս «տնից», հետեւում մկներին եւ, ով մի փոքր շարժում է կատարում, նրան բռնում եւ «տուն» է տանում: Խաղավարի «կատուն գնաց» ազդանշանից հետո կատուն վերադառնում է տուն, իսկ մկները շարունակում են պարել, վազվզել: Մի քանի մուկ բռնելուց հետո փոխում են կատվին:

*Խաղի կանոնները.*

1. Երբ կատուն մտնում է խաղահրապարակ, մկներին չի բույլատրվում շարժվել: Այնպես պիտի շարժվեն, որ կատուն չնկատի:

**ՃԱՆԱՉԻՐ ԴՐՈՇԱԿԴ**

Խաղացողները բաժանվում են 3 խմբի եւ շրջաններ կազմում: Յուրաքանչյուր խմբի ավագը կանգնում է շրջանի մեջտեղում՝ ձեռքին դրոշակ: 3 դրոշակն էլ տարբեր գույնի են: Խաղավարի «ցրվիր» հրահանգով բոլոր խաղացողները, բացի ավագներից, ազատ թռչում, վազվզում են այս ու այն կողմ: «Փակել աչքերը» հրահանգով բոլորը փակում են աչքերը: Այդ ժամանակ ավագները փոխում են դրոշակները: «Գտիր դրոշակդ» հրահանգով բոլոր խաղացողները շրջան են կազմում իրենց դրոշակի շուրջը: Որ խումբը շուտ է գտնում իր դրոշակը եւ նրա շուրջ շրջան կազմում՝ նա էլ հաղթում է:

*Խաղի կանոնները.*

1. Ավագները փոխում են դրոշակները եւ ոչ թե տեղերը:
2. Խաղացողները շրջապատում են այն ավագին, որի մոտ գտնվում է իրենց դրոշակը:

**ԾՈՎՆ ԱԼԵԿՈԾՎՈՒՄ Է**

Բոլոր խաղացողները կազմում են մեծ շրջան: Խաղավարը դուրս է գալիս շրջանից, շրջում եւ, մոտենալով առանձին խաղացողների, ասում՝ ծովն ակեկոծվում է: Ում որ ասում է, նա պետք է հետևի խաղավարին: Այսպիսով, բոլորը գնում են խաղավարի հետևից, կատարելով այն շարժումները, ինչ որ կատարում է նա: Նա կարող է ցատկել, պարել, վագել: «Ծովը հանդարտվեց» հրահանգից հետո բոլորը արագ վագում եւ կանգնում են իրենց տեղերում:

*Խաղի կանոնները.*

1. Պետք է կատարել խաղավարի բոլորը շարժումները:
2. Պետք է ընտրել հնարագետ խաղավարի, որպեսզի խաղն անցնի հետաքրքիր եւ աշխույժ:
3. Խաղավարին տարբերելու համար նրա գլխին թղթե մեծ գլխարկ են դնում:

**ԵՐԿՈՒ ՍԱՌՆԱՄԱՆԻՔ**

Դահլիճի 2 կողմում 2 «տուն» է գտնվում: Խաղացողները հավաքվում են մի տան մեջ, իսկ նրանցից երկուսը՝ «սառնամանիքները», կանգնում են 2 տան մեջտեղում: «Սառնամանիքները» միասին դիմում են երեխաներին.

- «Երկու եղբայր ենք պատանի, Սառնամանիք անվանի»:
- I սառնամանիք. Սառնամանիքն են կարմրաքիթ:
  - II սառնամանիք. Ես էլ նույնը, բայց՝ կապտաքիթ:
- Ով ձեզանից սիրտ կանի, Թող գլուխը դուրս հանի: Երեխաները պատասխանում են.
- Չենք վախենում ձեզանից:

Այս ասելուց հետո երեխաները վագում են դեպի մյուս տունը: Սառնամանիքները ում որտեղ բռնում են, ցրտահարում են: Ցրտահարվածը էլ չի կարող տուն հասնել, կանգնում է անշարժ: Վագողները ցրտահարվածներին կարող են ազատել՝ նրանց ձեռք տալով:

**ԹՈՉՈՒՆՆԵՐՆ ՈՒ ՎԱՆԴԱԿԸ**

Խաղացողները բաժանվում են 2 հավասար խմբի: Խմբերից մեկը կազմում է շրջան՝ «վանդակ», իսկ մյուս խումբը՝ «թռչունները», գտնվում են վանդակից դուրս:

Որեւէ ազդանշանով (ծափով, երաժշտությամբ) վանդակ կազմած խաղացողները ձեռքերը բարձրացնում են վեր, իսկ թռչունները մտնում են վանդակ եւ դուրս գալիս: Երաժշտության հանկարծակի ավարտումով շրջանում կանգնած երեխաները ձեռքերը իջեցնում եւ կքանատում են՝ փակելով վանդակը: Այնուհետև խմբերը դերերը փոխում են:

**ՈՒՐԱԽ ԵՐԵԽԱՆԵՐԸ**

Խաղացողներից մեկին ընտրում են խաղավար, մյուսները, զույգ կազմելով, կանգնում են 2 սյունաշարով: Խաղավարը գտնվում է շարքի առջեւում: Երեխաներն արտասանում են.

Մենք ուրախ երեխաներ ենք, Սիրում ենք վագել, սիրում ենք խաղալ, Թե կարող ես՝ շտապիր, Վագող զույգին շուտ բռնիր:

Այս ասելուց հետո, վերջին զույգը կազմող երեխաներից մեկը աջ է վագում, մյուսը՝ ձախ, աշխատում են հասնել իրար ձեռքերը բռնել: Իսկ եթե խաղավարին հաջողվում է բռնել նրանցից մեկնումեկին դեռ զույգ չկազմած, այդ դեպքում բռնվողը դառնում է խաղավար: Իսկ նախորդ խաղավարը զույգ է կազմում այն խաղացողի հետ, որին չէր բռնել:

Խաղացողները իրար ձեռքից բռնած շրջան են կազմում: Խաղացողներից երեք հոգի առանձնացվում են, որոնցից մեկը «ասեղն» է, մյուսը՝ «թելը», երրորդը՝ «հանգույցը»: Նրանք կանգնում են շրջանից դուրս, իրար ետեւից՝ ասեղը, թելը, հանգույցը: Ղեկավարի ազդանշանով ասեղը վազում է, նրա ետեւից՝ թելն ու հանգույցը: Որտեղից անցնի ասեղը, այնտեղով էլ պետք է անցնեն թելն ու հանգույցը:

Խաղավար ասեղի դերում պետք է ընտրել ճարպիկ, հնարագետ երեխաների:

Շրջան կազմող երեխաները պետք է ձեռքերը վեր պահեն եւ չխանգարեն խաղավարներին:

### ՀԻՆԳ ԱՅԾԱՏԵՐ

Խաղում է 5-10 երեխա: Նրանք, առանց իրար ձեռք բռնելու, շրջան են կազմում: Մեկը ձեռնում է 1, երկրորդը՝ 3, երրորդը՝ 5 այծի տեր, ապա հաջորդաբար 7, 10, 15: Նրանցից յուրաքանչյուրը պետք է հիշի իր այծերի թիվը:

Խաղն սկսելիս խացակիցներից մեկը հայտարարում է.

- Գյուղին հարկ է եկել, ո՞վ պիտի տա:
- Թող երեք այծատերը տա, - պատասխանում է մյուսը:
- Հաշվիր գյուղի վրա, թող գյուղը տա, երեք այծատերն ինչո՞ւ տա, - վրա է տալիս երեք այծատերը:
- Գյուղն ինչո՞ւ տա, թող 5 այծատերը տա, - ասում է հաջորդը:

5 այծատերը անմիջապես վրա է բերում.

- Ինչո՞ւ 5 այծատերը, թող 15 այծատերը տա:

Խաղն այսպես շարունակվում է այնքան, մինչեւ մեկը շփոթվում է: Պարտվողը խաղից դուրս է գալիս կամ որեւէ «պատիժ» է ստանում:


## ԵՐԳԱՐԱՆ




### ԱՐԵՎ, ԱՐԵՎ



Ա-րե՛ւ, ա-րե՛ւ, ա-րի դու,      քեզ բե-րել ենք աչ-քի լուս,  
քո բուր-իկը՝ Լուս-ըն-կան,      բե-րեց չա-միչ մեկ ա-ման,  
Ամ-պը ե-կավ մութ ա-րավ,      չա-միչն աչ-քե-րես կո-րավ:  
Բաց ե-րե-սըղ, ա-րե-գակ,      մի բուռ չա-միչ քեզ կը-տանք:



Օ՛խ, ա-րե-ւին խա-բե-ցինք,      օ՛խ, ա-րե-ւին խա-բե-ցինք,



օ՛խ, ա-րե-ւին խա-բե-ցինք,      ամ-պի տակ-են հա-նե-ցինք:



ամ-պի տակ-են հա-նե-ցինք:

Արե՛ւ, արե՛ւ, արի դու,  
Քեզ բերել ենք աչքի լուս,  
Քո բուրիկը՝ Լուսընկան,  
Բերեց չամիչ մեկ աման,  
Ամպը եկավ մութ արավ,  
Չամիչն աչքերես կորավ:  
Բաց երեսըղ, արեգակ,  
Մի բուռ չամիչ քեզ կըտանք:  
Օ՛խ, արեւին խաբեցինք,  
Օ՛խ, արեւին խաբեցինք,  
Օ՛խ, արեւին խաբեցինք,  
Ամպի տակեն հանեցինք,  
Ամպի տակեն հանեցինք:

Խաղացողները իրար ձեռքից բռնած շրջան են կազմում: Խաղացողներից երեք հոգի առանձնացվում են, որոնցից մեկը «ասեղն» է, մյուսը՝ «թելը», երրորդը՝ «հանգույցը»: Նրանք կանգնում են շրջանից դուրս, իրար ետեւից՝ ասեղը, թելը, հանգույցը: Ղեկավարի ազդանշանով ասեղը վազում է, նրա ետեւից՝ թելն ու հանգույցը: Որտեղից անցնի ասեղը, այնտեղով էլ պետք է անցնեն թելն ու հանգույցը:

Խաղավար ասեղի դերում պետք է ընտրել ճարպիկ, հնարագետ երեխաների:

Շրջան կազմող երեխաները պետք է ձեռքերը վեր պահեն եւ չխանգարեն խաղավարներին:

### ՀԻՆԳ ԱՅԾԱՏԵՐ

Խաղում է 5-10 երեխա: Նրանք, առանց իրար ձեռք բռնելու, շրջան են կազմում: Մեկը ձեւանում է 1, երկրորդը՝ 3, երրորդը՝ 5 այծի տեր, ապա հաջորդաբար 7, 10, 15: Նրանցից յուրաքանչյուրը պետք է հիշի իր այծերի թիվը:

Խաղն սկսելիս խացակիցներից մեկը հայտարարում է.

- Գյուղին հարկ է եկել, ո՞վ պիտի տա:
- Թող երեք այծատերը տա, - պատասխանում է մյուսը:
- Հաշվիր գյուղի վրա, թող գյուղը տա, երեք այծատերն ինչո՞ւ տա, - վրա է տալիս երեք այծատերը:
- Գյուղն ինչո՞ւ տա, թող 5 այծատերը տա, - ասում է հաջորդը:

5 այծատերը անմիջապես վրա է բերում.

- Ինչո՞ւ 5 այծատերը, թող 15 այծատերը տա:

Խաղն այսպես շարունակվում է այնքան, մինչև մեկը շփոթվում է: Պարտվողը խաղից դուրս է գալիս կամ որեւէ «պատիժ» է ստանում:


## ԵՐԳԱՐԱՆ




### ԱՐԵՎ, ԱՐԵՎ



Ա-րե՛ւ, ա-րե՛ւ, ա-րի դուս,      քեզ բե-բել ենք աչ-քի լուս,  
բո բու-րի-կը՝ Լուս-ըն-կան,      բե-բեց չա-միչ մեկ ա-ման,  
Ամ-պը ե-կավ մութ ա-րավ,      չա-միչն աչ-քե-րես կո-րավ:  
Բաց ե-րե-սըղ, ա-րե-գակ,      մի բուռ չա-միչ քեզ կը-տանք:



Օ՛խ, ա-րե-ւին խա-բե-ցինք,      օ՛խ, ա-րե-ւին խա-բե-ցինք,



օ՛խ, ա-րե-ւին խա-բե-ցինք,      ամ-պի տակ-են հա-նե-ցինք:



ամ-պի տակ-են հա-նե-ցինք:

Արե՛ւ, արե՛ւ, արի դուս,  
Քեզ բերել ենք աչքի լուս,  
Բո բուրիկը՝ Լուսընկան,  
Բերեց չամիչ մեկ աման,  
Ամպը եկավ մութ արավ,  
Չամիչն աչքերես կորավ:  
Բաց երեսըղ, արեգակ,  
Մի բուռ չամիչ քեզ կրտանք:

Օ՛խ, արեւին խաբեցինք,  
Օ՛խ, արեւին խաբեցինք,  
Օ՛խ, արեւին խաբեցինք,  
Ամպի տակեն հանեցինք,  
Ամպի տակեն հանեցինք:

ՀՈՊ ԹՈՒ

Կայսան

Հո՛ւ պ քը-ռի, հո՛ւ պ, հո՛ւ պ քը-ռի, Հայ-կո ջան,  
 շուտ, քը-ռի, շա-խով քը-ռի Վար-սո ջան:  
 Խըն - ձոր ես ծա-ռի վը-րա Հայ-կո ջան,  
 ծա - դիկ ես սա-րի վը-րա Վար-սո ջան.

Խնձոր ես ծառի վրա,  
 Հայկո ջան,  
 Ծաղիկ ես սարի վրա,  
 Վարսո ջան,  
 Հո՛ւ պ քըռի, հո՛ւ պ, հո՛ւ պ քըռի,  
 Հայկո ջան,  
 Շուտ, քըռի, շախով քըռի,  
 Վարսո ջան:  
 Անուշ տաղ ասող բըրբուլ,  
 Հայկո ջան,  
 Կայնել ես քարի վրա,  
 Վարսո ջան,  
 Հո՛ւ պ, քըռի...  
 Աղբեր ունե՞մ ավչի ա,  
 Հայկո ջան,  
 Մեջքը քարակ դամշի ա,  
 Վարսո ջան,  
 Հո՛ւ պ, քըռի...

ԱՅԲ, ԲԵՆ, ԳԻՄ

Այբ, բեն, գիմ, դա, եչ, գա, այբ, բեն, գիմ, դա, եչ, գա, դա, եչ, գա

Այբ, բեն, գիմ,  
 Դա, եչ, գա,  
 Այբ, բեն, գիմ,  
 Դա, եչ, գա,  
 Դա, եչ, գա: •

Ճե, սեն, յի (հի),  
 Նու, շա, ո,  
 Ճե, սեն, յի (հի),  
 Նու, շա, ո,  
 Նու, շա, ո,

Է, ըթ, թո,  
 Ժե, ինի, լյուն,  
 Է, ըթ, թո,  
 Ժե, ինի, լյուն,  
 Ժե, ինի, լյուն:

Չա, պե, ջե,  
 Ռա, սե, վեվ,  
 Չա, պե, ջե,  
 Ռա, սե, վեվ,  
 Ռա, սե, վեվ,

Խե, ծա, կեն,  
 Հո, ձա, դատ,  
 Խե, ծա, կեն,  
 Հո, ձա, դատ,  
 Հո, ձա, դատ:

Տյուն, րե, ցո,  
 Վյուն, փյուր, քե,  
 Տյուն, րե, ցո,  
 Վյուն, փյուր, քե,  
 Վյուն, փյուր, քե,

## ԷՍ ԱՌՈՒՆ

Գնայուն  
քնքշաբար սիրով



Էս առուն ջուր է գալիս գալիս է, գալիս է սեր առն  
մի տեւերս ո՛ր է գալի.

Էս առուն ջուր է գալի,  
Մի տեւերս - ո՛ր է գալի,  
Գալիս է, գալիս է  
Սեր առն:

Քենին մահանա արել,  
Իմ յարին հյուր է գալի.  
Գալիս է, գալիս է  
Սեր առն:

Վարդ եմ քաղել մաղերով,  
Վեր եմ դըրել շաղերով.  
Արի՛, իմ սիրեկան քուր,  
Առաջ գամ քեզ տաղերով:

Տանըս տակին կա նրոնի,  
Ես բարձ բերեմ՝ դու կըռնի,  
Ես, դու մի բաղում պիտենք,  
Դու՛ չիմարի, ես՝ նոնի:

## ԱՂՋՎԵՔ, ՊԱՐ ԲՈՆԵՑԵՔ



Աղջըկե՛ք, պար բըռնեցեք,  
Արմիկի երես գովեցեք.  
Ա՛յ երես, շարմաղ երես,  
Դու մեզ չըթողնես սեւերես:

Աղջըկե՛ք, պար բըռնեցեք,  
Արմիկի աչեր գովեցեք,  
Ա՛յ աչեր, սիրուն աչեր,  
Արեւի պես փայլուն աչեր:

Աղջըկե՛ք, պար բըռնեցեք,  
Արմիկի կըռներ գովեցեք,  
Ա՛յ կըռներ, ուժեղ կըռներ,  
Դուք կըշարժեք մեծ-մեծ լեռներ:

Աղջըկե՛ք, պար բըռնեցեք,  
Արմիկի հասակ գովեցեք,  
Ա՛յ հասակ, բարձրը հասակ,  
Քեզ կվայելէ, դափնյա պըսակ:

ՎԻՃԱԿԻ ԵՐԳ



Մանի ասեմ ու շարեմ,  
Չա՛ն, ծաղիկ, ջա՛ն, ջա՛ն,  
Լըցնեմ տուպրակն ու կարեմ,  
Չա՛ն, վիճակ, ջա՛ն, ջա՛ն:

Ծաղիկ ունեմ, ալայա,  
Չա՛ն, ծաղիկ, ջա՛ն, ջա՛ն,  
Ալաչի, ալվալայա,  
Չա՛ն, վիճակ, ջա՛ն, ջա՛ն:

Ծաղիկ ունեմ նաբրնջի,  
Չա՛ն, ծաղիկ, ջա՛ն, ջա՛ն,  
Տըղա, վեր արի փրնջի,  
Չա՛ն, վիճակ, ջա՛ն, ջա՛ն:

Արեր կամար-կամար,  
Չա՛ն, ծաղիկ, ջա՛ն, ջա՛ն,  
Կապել եւ ոսկե քամար,  
Չա՛ն, վիճակ, ջա՛ն, ջա՛ն:

Ես աղջիկ եմ, ալ կուզեմ,  
Չա՛ն, ծաղիկ, ջա՛ն, ջա՛ն,  
Ոսկին ծալեծալ կուզեմ,  
Չա՛ն, վիճակ, ջա՛ն, ջա՛ն:

Սարեն կըզա ձիավոր,  
Չա՛ն, ծաղիկ, ջա՛ն, ջա՛ն,  
Մեր տունը չարդախավոր,  
Չա՛ն, վիճակ, ջա՛ն, ջա՛ն:

Հըրես եկավ իմ աղբեր,  
Չա՛ն, ծաղիկ, ջա՛ն, ջա՛ն,  
Երեք օրվան քազավոր,  
Չա՛ն, վիճակ, ջա՛ն, ջա՛ն:

ԴԱՆ, ԴԱՆ, ԴԱՆԵԴԱՆ



Դա՛ն, դա՛ն, դա-նե-դան, ձի հավ մը կեր, կուտու էր, դա՛ն, դա՛ն, դա-նե-դան.  
փող-ցե փողոց ման կու-գեր, դա՛ն, դա՛ն, դա-նե-դան.  
Ինչ օր գը-տեր՝ կուլ կու-տեր, դա՛ն, դա՛ն, դա-նե-դան:

Դա՛ն, դա՛ն, դանեդա՛ն,  
Ձի հավ մը կեր, կուտու էր,  
Դա՛ն, դա՛ն, դանեդա՛ն.  
Փողցե-փողոց ման կու գեր,  
Դա՛ն, դա՛ն, դանեդա՛ն.  
Ինչ օր գըտեր՝ կուլ կու տեր,  
Դա՛ն, դա՛ն, դանեդա՛ն:

Պուտուկ փըլավ եփեցի  
Կուտու հավուն կերցուցի:  
-Կուլոտ հավ, ձի ձու մ՛ածա:  
Տարա տըվի դարբընին.  
- Դարբի՛ն, ձի դանակ մը տուր:  
Դանակ տըվի հովըվուն.  
-Հովի՛վ, ձի մաքի մը տուր:  
Մաքին տըվի աստըծուն.  
-Աստվա՛ծ, ձի ախպեր մը տուր:  
-Ախպե՛ր, ախպե՛ր, ես քեզ շուն,  
- Ի՞նչ ես բարձե քու իշուն:  
-Խընգընե խինե, ապըրշում:

Օձը տեսա ճըլլաբտուն,  
Փախավ մտավ Սալբու տուն:  
Սալբի նըստեր, սագ կ՛անա,  
Գըլուխ կորեր, նագ կ՛անա,  
Հավերն եկան, քըշ կ՛անա:

ԽՆԿԻ ԾԱՌ

Գնայուն եւ կայտառ



Մեր դրօշա-նը  
խըն-կե-նին ա

խըն-կի ծառ,  
բե-րել բար,

Գյու-լո՛ւմ ջան,  
Գյու-լո՛ւմ ջան,



Չեր դրօշա-նը  
Իմ խո-րո-տիկ

խըն-կի ծառ,  
պըզ-տիկ յար

Գյու-լո՛ւմ ջան,  
Գյու-լո՛ւմ ջան:

Մեր դրոշանը խընկի ծառ,  
Գյուլո՛ւմ ջան,  
Չեր դրոշանը խընկի ծառ,  
Գյուլո՛ւմ ջան,  
Խընկենին ա բերել բար,  
Գյուլո՛ւմ ջան:  
Իմ խորտաիկ պըզտիկ յար  
Գյուլո՛ւմ ջան:

Մեր դրոշանը խընկի ծառ,  
Նախշուն բլբուլ վըրեն բառ,  
Երթար ու գար, շորոր տար,  
Սիրուն յարին օրոր տար:

Մեր դրոշանը խընկի ծառ,  
Մարջան բլբուլ վըրեն բառ,  
Գընար ու գար, շրվին տար,  
Անուշ յարի թեին տար:

Մեր դրոշանը խընկի ծառ,  
Ոսկի բլբուլ վըրեն բառ,  
Կարմիր խընձոր անել տար,  
Ալվան ծաղիկ տանել տար:

ԿԹԻ ԵՐԳ «ԻԼԻԼԻ, ԳԻՆԻԼԻ»



Հինգ էժ ու-նեմ ու-լե-րով, Ի-լի-լի, դի-լի-լի:

Հինգ էժ ունեմ ուլերով,  
Իլիլի, դիլիլի,  
Կաթ կըկըթեմ դուլլերով,  
Իլիլի, դիլիլի,  
Մեր կըշափեմ կալ շափով,  
Իլիլի, դիլիլի,  
Եղ կըհանեմ լվի տըկով,  
Իլիլի, դիլիլի:

ԽՆՈՅՈՒ ԵՐԳ



Հա-րի՛, հա-րի՛, խը-նո-ցի, մե-ջըդ բա-րի՛, խը-նո-ցի:

Հարի՛, հարի՛, խընցի,  
Մեջըդ բարի՛, խընցի,  
Ունկըդ բարակ, խընցի,  
Մեջըդ կարագ, խընցի:

Փլավ կեփեմ եղ չըկա,  
Փեսեմ եկավ, տեղ չըկա՛,  
Հարի՛, հարի՛, խընցի,  
Բերբըդ բարի՛, խընցի:

ԲՈՒՆԴԿԻ ԵՐԳ



Չարկ բո-լո-ճիկ, գարկ, դու գարկ, ես խա-ղամ.  
ճա-շիկ դու պա-ղի, սա-րակ դու քա-ղի,



Չարկ բո-լո-ճիկ, գարկ, դու գարկ, ես խա-ղամ.  
ճա-շիկ դու պա-ղի, սա-րակ դու քա-ղի,


Չարկ բոլոճիկ, գարկ,  
Դու գարկ, ես խաղամ,  
Չարկ, բոլոճիկ, գարկ,  
Դու գարկ, ես խաղամ:

Ճաշիկ դու պաղի,  
Սարակ դու քաղի,  
Ճաշիկ դու պաղի,  
Սարակ դու քաղի:

ՃԱԽԱՐԱԿԻ ԵՐԳ



Հո՛ւյ, մա-րալ, հո՛ւյ, մա-րալ, հո՛ւյ, մա-րալ ջան, ճախ-րա-կի ո-  
Հո՛ւյ, մա-րալ, հո՛ւյ, մա-րալ, հո՛ւյ, մա-րալ ջան, ճախ-րակ մա-նո-



տը փուշ - ի.  
դը դուշ - ի:

Հո՛ւյ, մարալ, հո՛ւյ, մարալ,  
Հո՛ւյ, մարալ ջա՛ն,  
Ճախրակի ոտը փուշ ի.

Հո՛ւյ, մարալ, հո՛ւյ, մարալ,  
Հո՛ւյ, մարալ ջա՛ն,  
Ճախրակ մանողը դուշ ի:

Ճախրակի ոտը ուռի,  
Ճախրակ մանողը ծուռ ի:

Ճախրակի ոտը տանձ ի,  
Ճախրակ մանող կուտան ձի:

Ճախրակի ոտը նուշ ի,  
Ճախրակ մանողն անուշ ի:

ԹԱԳՎՈՐԻ ՄԵՐ, ԴՈՒՍ ԱՐԻ




Թագվորի մեր, դուս արի, քե ջուր բերող ենք բերե:

Թագվորի մեր, դուս արի,  
 Տես քե ինչեր ենք բերե,  
 Թագվորի մեր, դուս արի,  
 Զե ջուր բերող ենք բերե:  
 Թագվորի մեր, դուս արի,  
 Տես քի ինչե՛ր ենք բերե,  
 Թագվորի մեր, դուս արի,  
 Զե կով կրթող ենք բերե:

Թագվորի մեր, դուս արի,  
 Տես քե ինչե՛ր ենք բերե,  
 Թագվորի մեր, դուս արի,  
 Զե բաղդ ավող ենք բերե:

Թագվորի մեր, դուս արի,  
 Տես քե ինչե՛ր ենք բերե,  
 Թագվորի մեր, դուս արի,  
 Զե գլուխ դըմբող ենք բերե:



<b>ԾՈՒՂՐՈՒԾՈՒՄ</b> .....	5
Արտուտիկ .....	5
Սեղու .....	5
Աքաղաղն ու կաուրը .....	6
Փխտոն .....	6
Ծիտիկի օրորքը .....	6
Շունը .....	7
Աղվեսն եկավ .....	7
Փխսիկի գանգառը .....	8
Ծիտը եւ բազեն .....	9
Լուսաբացին .....	9
Առավոտը գյուղում .....	10
Պոչատ աղվեսը .....	11
Գրիչ .....	11
Առաջին ձյունը .....	11
Պապն ու շաղգամը .....	12
Բզեզի դպրոցը .....	13
Պույ-պույ մուկիկը .....	14

**ԼԻՆՈՒՄ Է, ՉԻ ԼԻՆՈՒՄ**..... 18

Ճամփորդները .....	18
Ուլիկ .....	19
Անհաղթ արևը .....	20
Ով աշխատի, նա կուտի .....	21
Սուտասանը .....	22
Երեք արջի հեքիաթը .....	23
Պոչատ աղվեսը .....	25
Ծիտը .....	27
Երկինքը փուլ է գալիս .....	28
Հազարան բլրու .....	30

**ԷՆ ԻՆՉՆ Է, ԻՆՉԸ**..... 38

**ԱՌԱՇԱՆԻ**..... 40

**ՄԿԱՆ ԹԱԿԱՐԳ** ..... 41

Էկե դուկե տընըգա .....	41
Բուրամաան ասաց .....	41
Եվիկ-ճվիկ .....	41
Եկույրն ասաց .....	42
Ինչպե՞ս կուտես .....	42
Ճուլըդդ՞, սանամեր .....	42
Ափ ու պողոնց .....	43
Մուկն ու կատուն .....	43
Ճնճողուն ու կատուն .....	43
Մկան քակարդ .....	44
Թզուկներ եւ հսկաներ .....	44
Կատուն եկավ .....	45
Ճանաչիր դրոշակդ .....	45
Ճովն ալեկոծվում է .....	46
Երկու սառնամանիք .....	46
Թռչուններն ու վանդակը .....	47
Ուրախ երեխաներ .....	47
Ասեղ, թել, հանգույց .....	48
Հինգ այծատեր .....	48

**ԵՐԳԱՐԱՆ** ..... 49

Արեւ, արեւ .....	49
Հո՛ւպ, բռի .....	50
Այբ, բեն, գիմ .....	51
Էս առուն .....	52
Աղջկեք, պար բռնեցեք .....	53
Վիճակի երգ .....	54
Դան, դան, դանեդան .....	55
Խնկի ծառ .....	56
Կրի երգ «Իլիլո, դիլիլո» .....	57
Խնոցու երգ .....	58
Բողոճկի երգ .....	58
Ճախարակի երգ .....	59
Թագվորի մեր, դուս արի .....	60

Նկարիչ եւ գեղ. խմբագիր՝  
Սրբագրիչ՝  
Տեխ. խմբագիր եւ էջադրող՝

**Արտակ Բաղդասարյան**  
**Արփիկ Համբարձումյան**  
**Սերոբ Սարատիկյան**

Ստորագրված է տպագրության 15.06.95թ.:  
Տպագրությունը՝ օֆսետը՝ 2ափսը՝ 60x84<sup>1/16</sup>: Տպաքանակը՝ 35000:  
ՀՀ Լուսավորության նախարարության  
«Նոր դպրոց» հրատարակչություն:  
Երեւան, Սպորտինտերնի 73:  
Տպագրված է «ՏԱՐՈՆ» փակ բաժնետիրական  
ընկերության տպարանում:  
Երեւան, Իսակովի պող. 48: